

山  
093.2  
13-1  
v.3

景印  
宋本  
附釋文  
尚書  
註疏  
(三)



附釋文尚書註疏卷第七

甘誓第三 夏書 孔氏傳 孔穎達疏

啓與有扈戰于甘之野作甘誓

夏啓嗣禹位伐有扈之罪。啓

禹子嗣禹爲天子也。扈音戶。有扈國名。與夏同姓。馬云。姁姓之國。爲無道者。案京兆鄠縣。即有扈之國也。甘有扈郊地名。馬云。南郊地也。甘水名。今在鄠縣西。誓。馬云。軍旅曰誓。會同曰誥。

**疏**

正義曰。夏王啓之時。諸侯有扈氏叛。王命率衆親征之。有扈氏發兵拒啓。啓與戰于甘地之野。將戰。集將士而誓戒之。史叙其事。作

甘誓。傳夏啓至之罪。正義曰。孟子稱禹薦益於天。七年。禹崩之後。益避啓於箕山之陰。天下諸侯不歸益而歸啓。曰。吾君之子也。啓遂即天子位。史記夏本紀稱啓立有

扈氏不服。故伐之。蓋由自堯舜受禪。相承啓獨見繼父。以此不服。故云。夏啓嗣禹立伐有扈之罪。言繼立者。見其由嗣立故不服也。

**甘誓**  
甘有扈郊地名。將戰先誓。



**疏**

甘誓 正義曰發首二句叙其誓之由其王曰已下皆是誓之辭也曲禮云約信曰誓將與敵戰恐其損敗與將士設約示賞罰之信也將戰而誓是誓之大者禮將祭而號令齊百官亦謂之誓周禮大宰云祀五帝則掌百官之誓戒鄭玄云誓戒要之以刑重失禮也明堂位所謂各揚其職百官廢職服大刑是誓辭之略也彼亦是約信但小於戰之誓馬融云軍旅曰誓會同曰誥誥誓俱是號令之辭意小異耳。傳甘有至先誓。正義曰地理志扶風鄠縣古扈國夏啓所伐者也鄠音同未知何時改也啓伐有扈必將至其國乃出兵與啓戰故以甘爲有扈之郊地名馬融云甘有扈南郊地名計啓西行伐之當在東郊融則扶風人或當知其處也將戰先誓誓是臨戰時也甘誓牧誓費誓皆取誓地爲名湯誓舉其王號泰誓不言武誓者皆史官不同故立名有異耳泰誓未戰而誓故別爲之名泰誓自悔而誓非爲

**大戰于甘乃召六**

**卿**

天子六軍其將皆命卿。將子匠反

**王曰嗟六事之人**

各有軍事故曰六事

**子誓告汝有扈氏威侮五行怠棄三正**

五行

之德王者相承所取法有扈與夏同姓恃親而不恭是則威虐侮慢五行怠惰棄廢天地人之正道言亂常。侮二甫反正如字徐音征馬云建子建丑建寅三正也惰徒卧反

**天用勦絕其命**

用其失道

故勦截也

截絕謂滅之。勦子六反玉篇切韻同

今予惟恭行

**天之罰**

恭奉也言欲截絕之。罰音伐

**左不攻于左汝不恭命**

左車左左方主射

**右不攻于右汝不恭命**

右車

攻治也治其職

**御非其馬之正汝不恭命**

御以正馬

力之士執戈

**御非其馬之正汝不恭命**

御以正馬

有失皆不奉我

命。御魚慮反

**用命賞于祖**

天子親征必載遷廟之祖主行有功則賞祖主

前示

**弗用命戮于社**

天子親征又載社主謂之社事不用命奔北者則戮之於

社主前社主陰陰主殺親祖嚴社之義  
○戮音六北如字又音佩軍走曰北

予則孥戮汝

孥子也非但止汝身辱及汝子  
言恥累也。○孥音奴累劣偽反  
疏 大戰至戮汝 正義  
曰史官自先叙其事  
啓與有扈大戰于甘之野將欲交戰乃召六卿令與衆士  
俱集王乃言曰嗟重其事故嗟嘆而呼之汝六卿者各有  
軍事之人我設要誓之言以勅告汝今有扈氏威虐侮慢  
五行之盛德怠惰棄廢三才之正道上天用失道之故今  
欲截絕其命天既如此故我今惟奉行天之威罰不敢違  
天也我既奉天汝當奉我汝諸士衆在車左者不治理於  
車左之事是汝不奉我命在車右者不治理於車右之事  
是汝不奉我命御車者非其馬之正令馬進退違矣是汝  
不奉我命汝等若用我命我則賞之於祖王之前若不用  
我命則戮之於社主之前所戮者非但止汝身而已我則  
并殺汝子以戮辱汝汝等不可不用我命以求殺敵戒之  
使齊力戰也。○傳天子至命卿 正義曰將戰而召六卿  
明是卿爲軍將天子六軍其將皆命卿周禮夏官序文也  
鄭玄云夏亦然則三王同也經言大戰者鄭玄云天子之

兵故曰大孔無明說蓋以六軍並行威震多大故稱大戰  
。傳各有至六事 正義曰卿爲軍將故云乃召六卿及

其誓之非六卿而已鄭玄云變六卿言六事之人者言軍  
吏下及士卒也下文戒左右與御是徧勅在軍之士步卒

亦在其間六卿之身及所部之人各有軍事故六事之人  
爲摠呼之辭。○傳五行至亂常 正義曰五行水火金木

土也分行四時各有其德月令孟春三日太史謁於天子  
曰某日立春盛德在木夏云盛德在火秋云盛德在金冬

云盛德在水此五行之德王者雖易姓相承其所取法同  
也言王者共所取法而有扈氏獨侮慢之所以爲大罪也

且五行在人爲仁義禮智信威侮五行亦爲侮慢此五常  
而不行也有扈與夏同姓恃親而不恭天子廢君臣之義

失相親之恩五常之道盡矣是威侮五行也無所畏忌作  
威虐而侮慢之故云威虐侮慢易說卦云立天之道曰陰

與陽立地之道曰柔與剛立人之道曰仁與義物之爲大  
無大於此者周易謂之三才人生天地之間莫不法天地

而行事以此知怠惰棄廢天地人之正道棄廢此道言亂  
常也孔馬鄭王與皇甫謐等皆言有扈與夏同姓並依出

本之文楚語云昭王使觀射父傳太子射父辭之曰堯有  
丹朱舜有商均夏有觀扈周有管蔡是其恃親而不恭也  
周語云帝嘉禹德賜姓曰姒禹始得姓有扈與夏同姓則  
為啓之兄弟如此者蓋禹未賜姓之前以姒為姓故禹之  
親屬舊已姓姒帝嘉其德又以姒姓顯揚之猶若伯夷國  
語稱賜姓曰姜然伯夷是炎帝之後未賜姓之前先為姜  
姓與此同也故有扈以為夏之同姓。傳用其至滅之  
正義曰天子用兵稱恭行天罰諸侯討有罪稱肅將王誅  
皆示有所稟承不敢專也有扈既有大罪宜其絕滅故原  
天之意言天用其失道之故欲截絕其命謂滅之也勦是  
斬斷之義故為截也。傳左車至其職 正義曰歷言左  
右及御此三人在一車之上也故左為車左則右為車右  
明矣宣十二年左傳云楚許伯御樂伯攝叔為右以致晉  
師樂伯曰吾聞致師者左射以鼓攝叔曰吾聞致師者右  
入壘折馘執俘而還是左方主射右主擊刺而御居中  
御言正馬而左右不言所職者以戰主殺敵左右用兵是  
戰之常事故略而不言御推主馬故特言之互相明也此  
謂凡常兵車甲士三人所主皆如此耳若將之兵車則御

甘誓

者在左勇力之士在右將居鼓下在中央主擊鼓與軍人  
為節度成二年左傳說晉伐齊云晉解張御卻克鄭丘緩  
為右卻克傷於矢未絕鼓音曰余病矣張侯曰自始合而  
矢貫余手及肘余折以御左輪朱殷豈敢言病卻克傷於  
矢而鼓音未絕張侯為御而血染左輪是御在左而將居  
中也攻之為治常訓也治其職者左當射人右當擊刺是  
其所掌職事也。傳御以至我命 正義曰御以正馬為  
政言御之政事事在正馬故馬不正則罪之詩云兩騶如  
手傳云進止如御者之手是為馬之正也左右與御三者  
有失言皆不奉我命以御在後故摠解之。傳天子至不  
專 正義曰曾子問云孔子曰天子巡守以遷廟之主行  
載於齊車言必有尊也巡守尚然征伐必也故云天子親  
征必載遷廟之祖主行有功則賞祖主前示不專也周禮  
大司馬云若師不功則厭而奉主車鄭玄云厭伏冠也奉  
猶送也送主歸於廟與社亦是征伐載主之事也。傳天  
子至之義 正義曰定四年左傳云君以軍行被社釁鼓  
祝奉以從是天子親征又載社主行也郊特牲云惟為社  
事單出里故以社事言之不用命奔北者則戮之於社主



之前奔北謂背陳走也所以刑賞異處者社主陰陰主殺則祖主陽陽主生禮左宗廟右社稷是祖陽而社陰就祖賞就社殺親祖嚴社之義也大功大罪則在軍賞罰其偏叙諸勲乃至太祖賞耳。傳孥子至累也。正義曰詩云樂爾妻孥對妻別文是孥為子也非但止辱汝身并及汝子亦殺言以恥惡累之湯誓云子則孥戮汝傳曰古之用刑父子兄弟罪不相及今云孥戮汝權以脅之使勿犯此亦然也

### 五子之歌第三 夏書 孔氏傳 孔穎達疏

太康失邦 啓子也盤于遊田不恤民 昆弟五人

須于洛汭作五子之歌 太康五弟與其母待太

反故作歌。五子名字書傳無聞仲康蓋其 疏 太康至一也須馬云止也汭如銳反本又作內音同 之歌

正義曰啓子太康以遊畋棄民為羿所逐失其邦國其未失國之前畋于洛水之表太康之弟更有昆弟五人從太

甘誓 五子之歌

康畋獵與其母待太康于洛水之北太康為羿所距不得反國其弟五人即啓之五子並怨太康各自作歌史叙其事作五子之歌。傳太康至作歌 正義曰昆弟五人自有長幼故稱昆弟嫌是太康之昆故云太康之五弟 五

子之歌 啓之五子 疏 五子之歌 正義曰史述作歌因以名篇 之由先叙失國之事其一曰以

下乃是歌辭此五子作歌五章每章各是一人之作辭相連接自為終始初言皇祖有訓未必則指怨太康必是五子之歌相顧從輕至其其一其二蓋是昆弟之次或是作歌之次不可知也。傳啓之至名篇 正義曰直言五子不知謂誰故言啓之五子太康之弟叙怨作歌不言 太

康尸位以逸豫 尸主也主以尊位為逸豫不勤 滅

厥德黎民咸貳 君喪其德則眾民皆二心 乃盤遊

無度 盤樂遊逸無法度。盤步干 畋于有洛之表

十旬弗反

洛水之表水之南十日曰旬田獵過百日不還○

有窮后羿

因民弗忍距于河

有窮國名羿諸侯名距太康於河不得入國遂廢之○

反徐胡細

厥第五人御其母以從

御侍也言從畋○從如字或作

才用反非

篯于洛之汭五子咸怨

待太康怨其久畋失國○

大禹之戒以作歌

述循也歌以叙怨

疏

太康至作歌正義曰天子之在天

位職當牧養兆民太康主以尊位用為逸豫滅其人君之德衆人皆有二心太康乃復愛樂遊逸無有法度畋獵於洛水之表一出十旬不反有窮國君其名曰羿因民不能堪忍太康之惡率衆距之于河不得反國太康初去之時其第五人侍其母以從太康太康畋于洛南五弟待於洛北太康久而不反致使羿距于河五子皆怨太康追述大禹之戒以作歌而各己怨之志也其弟侍母以從太康太康初去即然待於洛水之北以異太康速反羿既距之五

五子之歌

子乃怨史述太康之惡既盡然後言其作歌故令羿距之文乃在母從之上作文之勢當然也○傳尸主也正義曰釋詁文○傳有窮至廢之正義曰襄四年左傳曰夏之方衰也后羿自鉏遷于窮石然則羿居窮石故曰有窮國名窮是諸侯之國羿是其君之名也說文云羿帝嚳射官也賈逵云羿之先祖世為先王射官故帝賜羿弓矢使司射淮南子云堯時十日並生堯使羿射九日而落之楚辭天問云羿焉彈日烏解羽歸藏易亦云羿彈十日說文云彈者射也此三者言雖不經以取信要言帝嚳時有羿堯時亦有羿則羿是善射之號非復人之名字信如彼言則不知羿名為何也夏都河北洛在河南距太康於河北不得入國遂廢太康耳羿猶立仲康不自立也○傳述循至叙怨正義曰述循釋詁文循其所戒用作歌以叙怨也其一曰皇祖有訓其二曰訓有之是述大禹之戒也其三恨云國都其四恨絕宗祀其五言追悔無及直是指怨太康非為述祖戒也本述戒作歌因即言及時事故言祖戒以摠之

其一曰皇祖有訓民可近不可下

皇君也君祖禹有訓

戒近謂親之下謂失分。民惟邦本本固邦寧言

近附近之近分扶問反以安國君常固民予視天下愚夫愚婦一能勝予言能畏敬

小民所以得衆心一人三失怨豈在明不見是圖三失過非

一也不見是謀備其微○三如字又息暫反見賢遍反予臨兆民懍乎若朽

索之馭六馬千萬曰億十億曰兆言多懍危貌朽腐也腐索馭六馬言危懼甚○懍力甚反

朽許久反索息各反馭音御爲人上者奈何不敬能敬則不驕在

上不驕則高而不危疏其一至不敬正義曰我君祖大禹有訓

失分則人懷怨則事上之心不固矣民惟邦國之本本固則邦寧言在上不可使人怨也我視天下之民愚夫愚婦

一能過勝我安得不敬畏之也所以畏其怨者一人之身三度有失凡所過失爲人所怨豈在明著大過皆由小事

五子之歌

而起言小事不防易致大過故於不見細微之時當於是

豫圖謀之使人不怨也我臨兆民之上常畏人怨懍懍乎

危懼若腐索之馭六馬索絕則馬逸言危懼之甚人之可

畏如是爲民上者奈何不敬慎乎怨太康之不恤下民也○

傳皇君至失分正義曰皇君釋詁文述禹之戒知君祖是禹禹有訓也民可近者據君爲文近謂親近之也下謂

卑下輕忽之失本分也奪其農時勞以橫役是失分也故

下云予視天下愚夫愚婦一能勝予是畏敬下民也○傳

言能至衆心正義曰我視愚夫愚婦當能勝我身是畏敬小民也由能畏敬小民故以小民從命是得衆心也○

傳三失至其微正義曰顧氏云怨豈在明未必皆在明著之時必於未形之日思善道以自防衛之是備慎其微

也○傳十萬至懼甚正義曰古數十萬曰億十億曰兆言多也懍懍心懼之意故爲危貌朽腐常訓也腐索馭六

馬索絕馬驚馬驚則逸言危懼甚也經傳之文惟此言六

馬漢出此經不傳餘書多言駕四者春秋公羊說天子駕

六毛詩說天子至大夫皆駕四許慎案王度記云天子駕

六鄭玄以周禮校人養馬乘馬一師四圉四馬曰乘康王



其二

作為也迷亂曰  
荒色女色禽鳥

疏

令人色男

也爲身

羊反  
反嗜

有六者

共方

云陶  
為王

五子之歌

爲天  
及後

有

言古取云

之以有

和平  
今天



典法所以滅宗祀也。○傳君萬至後世。正義曰萬邦之君謂君統萬國為天子也。典謂先王之典可憑據而行之。故為經籍則法釋詁文典謂先王舊典法謂當時所制其事不為大異重言以備文耳。貽遺釋言文以典法遺子孫言仁恩及後世。傳金鐵至取云。正義曰關者通也。名石而可通者惟衡量之器耳。律歷志云二十四銖為兩。十六兩為斤。三十斤為鈞。四鈞為石。是石為稱之最重。以石而稱則為重物。故金鐵曰石言絲絲止於斤兩。金鐵乃至於石舉石而言之則止稱之物皆通之也。傳取金鐵重物以解言石之意。非謂所關通者惟金鐵耳。米粟則斗斛以量之。布帛則丈尺以度之。惟言關通權衡則度量之物懋遷有無亦關通矣。舉一以言之耳。衡石所稱之物以供民之器用其土或有或無通使和平也。論語云百姓足君孰與不足。民既足用則官亦富饒。故通之使和平則官民皆定有典有法可依而行。官民足可坐而守言古制存而太康失其業所以亡也。訓緒為業費氏顧氏等意云通金鐵於人官不禁障民得取之以供器用器既具所以上下充足以金鐵皆從石而生則金鐵亦石之類也。故漢書五行志

五子之歌

云石為怪異入金不從革之條費顧之義亦得通也

其五曰嗚呼曷歸予懷

之悲

悲。曷何也言思而

萬姓仇予予將疇依

仇怨也言

當依誰以復國乎

鬱陶乎予心顏厚有忸怩

鬱陶言哀思也顏厚

色愧忸怩心慙慙愧於仁人賢士。鬱音鬱陶音桃鬱

弗

慎厥德雖悔可追

言人君行已不慎其德以速滅敗雖欲改悔其可追及乎言無益

○雖如字

疏

其五至可追。正義曰嗚呼太康已覆滅矣我將何所依歸我以此故思之而悲太

康為惡毒徧天下萬姓皆共仇我我將誰依就乎鬱陶而哀思乎我之心也我以此故外貌顏厚而內情忸怩羞慙

由太康不慎其德以致此見距雖欲改悔其可追及之乎事已往矣不可如何從首漸怨至此為深皆是羿距時事

也。○傳仇怨至國乎。正義曰桓二年左傳云怨耦曰仇故為怨也羿距於河不得復反乃思太康欲歸依之言當

依誰以復國乎。傳鬱陶至賢士。正義曰孟子稱舜弟象見舜云思君正鬱陶鬱陶精神憤結積聚之意故為哀思也詩云顏之厚矣羞愧之情見於面貌似如面皮厚然故以顏厚為色愧。丑。丑。羞。羞。不能言心慙之狀。小人不足以知得失故慙愧於仁人賢士。

胤征第四 夏書 孔氏傳 孔穎達疏

義和湏淫廢時亂日。義氏和氏世掌天地四時之官。自唐虞至三代世職不絕。

永太康之後沈湏於酒過差非度廢天時亂甲乙。初賣反又初佳反。胤往征。

之作胤征。胤國之君受王命胤征。奉辭罰。疏。義和

征。正義曰義氏和氏世掌天地四時之官。今乃沈湏于酒過差非度廢天時亂甲乙。不以所掌為意胤國之侯受

王命往征之。史叙其事作胤征。傳義氏至甲乙。正義曰義氏和氏世掌天地四時之官。堯典所言是其事也。義

五子之歌 胤征

和是重黎之後楚語稱堯育重黎之後使典天地以至于夏商是自唐虞至三代世職不絕。故此時義和仍掌時日以太康逸豫。臣亦縱弛。此永太康之後。於今仍亦解惰。沈湏于酒過差非度。廢天時亂甲乙。是其罪也。經云酒荒于厥邑。惟言荒酒不言好色。故訓淫為過言耽酒為過差也。聖人作曆數以紀天時。不存曆數是廢天時也。日以甲乙為紀。不知日食是亂甲乙也。傳奉辭罰罪。正義曰奉責讓之辭。伐不恭之罪名之曰征。征者正也。伐之以正其罪。惟仲康肇位四海。羿廢太康而立其弟仲胤。

侯命掌六師。仲康命胤侯掌主。義和廢厥職酒。

荒于厥邑。舍其職官還其私邑。以酒。胤后永王命。

徂征。徂往也。就其。疏。惟仲康至徂征。正義曰惟仲

受王命為大司馬掌六師。於是有義氏和氏廢其所掌之職。縱酒荒迷亂于私邑。胤國之君永王命往征之。傳羿

廢至天子正義曰以羿距太康於河於時必廢之也夏本紀云太康崩弟仲康立襄四年左傳云羿因夏民以代夏政則羿於其後篡天子之位仲康不能殺羿必是羿握其權知仲康之立是羿立之矣故云羿廢太康而立其弟仲康為太子計五子之歌仲康當是其一仲康必賢於太康但形勢既衰故政由羿耳羿在夏世為一代大賊左傳稱羿既篡位寒浞殺之羿滅夏后相相子少康始滅浞復夏政計羿浞相承向有百載為夏亂甚矣而夏本紀云太康崩弟仲康立仲康崩子相立相崩子少康立都不言羿浞之事是馬遷之說踈矣**告于眾曰**

**嗟予有眾**誓勅**聖有謨訓明徵定保**徵證保安也聖

人所謀之教訓為世明證所以定國安家**先王克謹天戒臣人克有**

**常憲**言君能慎戒臣能奉有常法**百官修輔厥后惟明明**

修職輔君君臣俱明**每歲孟春道人以木鐸徇于路**宣令

**胤征**

之官木鐸金鈴木舌所以振文教**官師相規工執藝**

**事以諫**官眾眾官更相規闕百工各執其所治技藝以諫諫失常**○**藝本又作藝更音庚技其綺反

**其或不恭邦有常刑**言百官廢職服大刑**疏**告于至常刑正義曰胤侯

將征義和告于所部之眾曰嗟乎我所有之眾人聖人有謨之訓所以為世之明證可以定國安家其所謀者言先王能謹慎敬畏天戒臣人者能奉先王常法百官修常職輔其君君臣相與如是則君臣俱明惟為明君明臣言君當謹慎以畏天臣當守職以輔君也先王恐其不然大開諫爭之路每歲孟春道人之官以木鐸徇于道路以號令臣下使在官之眾更相規闕百工雖賤令執其藝能之事以諫上之失常其有違諫不恭謹者國家則有常刑**○傳徵證至安家**正義曰成八年左傳稱晉殺趙括欒卻為徵徵是證驗之義故為證也能自保守是安定之義故為安也聖人將為教訓必謀而後行故言所謀之教訓聖人之言必有其驗故為世之明證用聖人之謨訓必有成功故所



以定國安家。○傳言君至常法。正義曰：王者代天理官，故稱天戒。臣人奉主法，令故言常。憲君當奉天，臣當奉君。言君能戒慎天戒也。臣能奉有常法，奉行君法也。此謂大臣下云：百官修輔，謂眾臣。○傳：道人至文教。正義曰：以執木鐸，徇於路，是宣令之事。故言宣令之官。周禮無此官，惟小宰云：正歲帥理官之屬，而觀治象之法，徇以木鐸。曰：不用法者，國有常刑。宣令之事，略與此同。此似別置其官，非如周之小宰名曰道人，不知其意。蓋訓道為聚聚人，而令之故，以為名也。禮有金鐸、木鐸。鐸是鈴也，其體以金為之，明舌有金、木之異。知木鐸是木舌也。周禮教鼓人以金，鐸通鼓。大司馬教振旅，兩司馬執鐸明堂位云：振木鐸於朝，是武事振金鐸、文事振木鐸。今云：木鐸故云，所以振文教也。○傳：官眾至失常。正義曰：相規相平等之辭。故官眾謂眾官相規，謂更相規闕，平等有闕，猶尚相規見上之過。諫之必矣。百工各執其所治技藝，以諫，謂被遣作器工有奢儉。若月今云：無作淫巧，以蕩上心，見其淫巧不正，當執之以諫。諫失常也。百工之職，猶令進諫，則百工以上不得，不諫矣。○傳：言百至大刑。正義曰：百官廢職，服大刑。

胤征

明堂位文也。顧氏云：百官眾臣，其有廢職懈怠，不恭謹者，國家當有常刑。惟時羲和顛覆

厥德

顛覆言反，倒將陳羲和所犯故。先舉孟春之令，犯令之誅。○覆芳服反。○丁老反。

沈亂

于酒畔官離次

沈謂醉，冥失次位也。○離如字。又力智反。○莫定反。又二丁反。倂

倂

擾天紀遐棄厥司

倂始擾亂遐遠也。紀謂時日司所主也。○倂本又作倂，亦作叔。

同尺六反

乃季秋月朔辰弗集于房

辰日月所會，房所舍。

之次集合也。不

瞽奏鼓，雷夫馳庶人走。

凡日食合，即日食可知。瞽奏鼓，雷夫馳庶人走。天子伐

鼓於社，責上公。瞽樂官樂官進鼓，則伐之。雷夫主幣之官，馳取幣，禮天神。衆人走，供救日食之百役也。○雷音色馳。

車馬曰馳，走步

義和尸厥官罔聞知

主其官而無聞知於

日食之變異

昏迷于天象以干先王之誅

閭錯天象

所以罪重

言昏亂之政典曰先時者殺無赦政典夏后為政之典籍若

甚干犯也周官六卿之治典先時謂曆象之法四時節氣弦望晦朔

先時則罪死不赦先悉薦反又如字注先時先天同

治亦作赦不及時者殺無赦雖治其官苟有先後

之差則無赦況廢疏惟時至無赦正義曰言不諫尚

官乎後胡豆反有刑廢職懈怠是為大罪惟是義

和顛倒其奉上之德而沈沒昏亂於酒違叛其所掌之官

離其所居位次始亂天之紀綱遠棄所主之事乃季秋九

月之朔日月當合於辰其日之辰日月不合於舍不得合

辰謂日被月食日有食之禮有救日之法於時瞽人樂官

進鼓而擊之嗇夫馳騁而取幣以禮天神庶人奔走供救

日食之百役此為災異之大群官促遽若此義和主其官

而不聞知日食是大罪也此義和昏闇迷錯於天象以犯

先王之誅此罪不可赦也故先王為政之典曰主曆之官

為曆之法節氣先天時者殺無殺不及時者殺無赦失前

失後尚猶合殺況乎不知日食其罪不可赦也况彼罪之

亂征

大言已所以征也。傳顛覆至之誅。正義曰顛覆言反

倒謂人反也。人當堅立今乃反倒猶臣當事君今乃廢

職似人之反也。然言臣以事君為德故言顛覆厥德。胤侯

將陳義和之罪故先舉孟春之令犯令之誅舉輕以見重

小事犯令猶有常刑況叛官離次為大罪乎。傳沈謂至

次位。正義曰沒水謂之沈大醉冥然無所復知猶沈水

然故謂醉為沈。傳倅始至所主。正義曰倅始遐遠皆

釋詁文擾謂煩亂故為亂也。洪範五紀五曰曆數曆數所

以紀天時此言天紀謂時日此時日之事是義和所司言

棄其所主。傳辰日至可知。正義曰昭七年左傳曰晉

侯問於士文伯曰何謂辰對曰日月之會是謂辰是辰為

日月之會日月俱右行於天日行遲月行疾日每日行一

度月日行十三度十九分度之七計二十九日過半月已

行天一周又逐及日而與日聚會謂此聚會為辰一歲十

二會故為十二辰即子丑寅卯之屬是也。房謂室之房也

故為所舍之次計九月之朔日月當會於火之次釋言云

集會也。會即是合故為合也。日月當聚會共舍今言日月

不合於舍則是日月可知也。日食者月掩之也。月躑掩日

十三

日被月映即不成共處故以不集言日食也或以爲房謂房星九月日月會于大火之次房心共爲大火言辰在房星事有似矣知不然者以集是止舍之處言其不集於舍故得以表日食若言不集於房星似太遲太疾推可見曆錯不得以表日食也且日之所在星宿不見正可推筭以知之非能舉目而見之君子慎疑寧當以日在之宿爲文以此知其必非房星也。傳凡日至百役 正義曰文十五年左傳云日有食之天子不舉伐鼓于社諸侯用幣于社伐鼓于朝杜預以爲伐鼓于社責群陰也此傳言責上公者郊特牲云社祭土而主陰氣也君南嚮北墉下谷陰之義也是言社主陰也日食陰侵陽故杜預以爲責群陰也昭二十九年左傳云封爲上公祀爲貴神社稷五祀是尊是奉是社祭句龍爲上公之神也日食臣侵君之象故傳以爲責上公亦當群陰上公並責之也周禮瞽朦之官掌作樂瞽爲樂官樂官用無目之人以其無目於音聲審也詩云奏鼓簡簡謂伐鼓爲奏鼓知樂官進鼓則伐之周禮太僕軍旅田役贊王鼓救日月亦如之鄭玄云王通鼓佐擊其餘面則救日之時王或親鼓莊二十五年穀梁傳

### 胤征

曰天子救日置五麾陳五兵五鼓陳旂多皆樂人伐之周禮無嗇夫之官禮云嗇夫承命告于天子鄭玄云嗇夫蓋司空之屬也嗇夫主幣禮無其文此云嗇夫馳必馳走有所取也左傳云諸侯用幣則天子亦當有用幣之勲嗇夫必是主幣之官馳馭幣也社神尊於諸侯故諸侯用幣於社以請救天子伐鼓于社必不用幣知嗇夫馳取幣禮天神庶人走蓋是庶人在官者謂諸侯胥徒也其走必有事知爲供救日食之百役也曾子問云諸侯從天子救日食各以方色與其兵周禮庭氏云救日之弓矢是救日必有爲太陰之弓救日以枉矢救月以恒矢其鼓則蓋用祭天之雷鼓也昭十七年夏六月甲戌朔日有食之左傳云季平子曰惟正月朔慝未作日有食之於是乎有伐鼓用幣禮也其餘則否太史曰在此月也當夏四月是謂孟夏如彼傳文惟夏四月有伐鼓用幣之禮餘月則不然此以九月日食亦奏鼓用幣者顧氏云夏禮異於周禮也。傳政典至無赦 正義曰胤侯夏之卿士引政典而不言古典則當時之書知是夏后爲政之典籍也周禮太宰掌建邦



之六典以佐王治邦國一曰治典二曰教典三曰禮典四曰政典五曰刑典六曰事典若周官六卿之治典謂此也先時不及者謂此曆象之法四時節氣弦望晦朔不得後天時不得後天時四時時各九十日有餘分爲八節節各四十五日有餘也節氣者周天三百六十五日四分日之一四時分之均分爲十二月則月各得三十日十六分日之七以初爲節氣半爲中氣故一歲有二十四氣也計十二月每月二十九日疆半也以月初爲朔月盡爲晦當月之中日月相望故以月半爲望望去晦朔皆不滿十五日也又半此望去晦朔之數名之曰弦弦者言其月光正半如弓弦也晦者月盡無月言其闇也朔者蘇也言月死而更蘇也先天時者所名之日在天時之先假令天之正時當以甲子爲朔今曆乃以癸亥爲朔是造曆先天時也若以乙丑爲朔是造曆後天時也後即是及時也其氣望等皆亦如此

**今予以爾有衆奉將天罰**將行也奉王命行王誅謂

殺涵淫之身**爾衆士同力王室尚弼予欽承天**立其賢子弟

**爾衆士同力王室尚弼予欽承天**

爾征

**子威命**

以天子威命督其士衆使用命

**火炎崑岡玉石俱焚**

山脊

曰岡崑山出玉言火逆而害玉○崑音昆

**天吏逸德烈于猛火**

逸過也天王之

吏爲過惡之德其傷害天下甚於火之害玉猛火烈矣又烈於火

**殲厥渠魁脅從罔**

**治**

殲滅渠大魁帥也指謂義和罪人之身其脅從距王師者皆無治○殲子廉反魁苦回反脅虛業反帥色

**舊染汙俗咸與惟新**

言其餘人久染汙俗本無惡心皆與更新一無所問

○汙烏故反汙辱之汙又音烏泥著物也一音烏卧反

**嗚呼威克厥愛允濟**

歎能以威勝所愛則必有成功

**愛克厥威允罔功**

以愛勝威無以濟衆信無功

**其爾衆士懋戒哉**

言當勉以用命戒以辟戮○懋音茂辟音避

**疏**

予今

至戒哉

正義曰義和所犯如上故今我用汝所有之衆奉王命行天罰汝等衆士當同心盡力於王室庶幾輔我



敬承天子之命使我伐必克之又恐兵威所及濫殺無辜故假喻以戒之火炎崐山之岡玉石俱被焚燒天王之吏為過惡之德則酷烈甚於猛火宜誅惡存善不得濫殺滅其為惡大帥罪止義和之身其被迫脅而從距王師者皆無治責其罪久染汙穢之俗本無惡心皆與惟德更新一無所問又言將軍之法必有殺戮嗚呼重其事故歎而言之將軍威嚴能勝其愛心有罪者雖愛必誅信有成功若愛心勝其威嚴親愛者有罪不殺信無功矣言我雖愛汝有罪必殺其汝眾士宜勉力以戒慎哉勿違我命以取殺也。傳將行至子弟正義曰將之為行常訓也天欲加罪王者順天之罰則王誅也奉王命行王誅謂殺淫酒之身義和之罪不及其嗣故知殺其身立其賢子弟楚語云重黎之後世掌天地四時之官至于夏商則此不滅其族故傳言此也。傳山脊至害玉正義曰釋山云山脊曰岡孫炎曰長山之脊也以崐山出玉言火逸害玉喻誅惡害善也。傳逸過至於火正義曰逸即佚也佚是淫縱之名故為過也天王之吏言位貴而威高秉貴勢而逞毒心或眦睚而害良善故為過惡之德其傷害天下甚於火

省征

之害王猛火為烈甚矣又復烈之於火言其害之深也。傳殲滅至無治正義曰殲盡也釋詁文舍人曰殲眾之盡也眾皆死盡為滅也渠大魁帥無正訓以上殲厥渠魁謂滅其元首故以渠為大魁為帥史傳因此謂賊之首領為渠帥本原出於此**自契至于成湯八遷**都。契息列殷之始祖八遷之**湯始居亳從先王居**契父帝嚳都書史唯見四**湯始居亳從先王居**亳湯自商丘遷焉故曰從先王居。亳旁各反徐扶各反響苦毒反**作帝告釐沃**告來居二篇皆。告工毒反釐力之反沃徐烏酷反此五亡篇舊解是夏書馬鄭之徒以為商書兩義俱通**疏**自至釐沃正義曰自此已下皆商書也序本別卷與經不連孔以經序宜相附近引之各冠其篇首此篇經亡序存文無所託不可以無經之序為卷之首本書在此故附此卷之末契是商之始祖故遠本之自契至于成湯凡八遷都至湯始往居亳從其先王帝嚳舊居當時湯有言告史序其事作帝告釐沃二篇。傳十四至國都正義曰周

語曰玄王勤商十四世而與玄王謂契也勤殖功業十四世至湯而與為天子也殷本紀云契生昭明昭明卒子相土立相土卒子昌若立昌若卒子曹圉立曹圉卒子冥立冥卒子振立振卒子微立微卒子報丁立報丁卒子報乙立報乙卒子報丙立報丙卒子主壬立主壬卒子主癸立主癸卒子天乙立天乙是為成湯是也契至成湯十四世凡八遷國都者商頌云帝立子生商是契居商也世本云昭明居砥石左傳稱相土居商丘及今湯居亳事見經傳者有此四遷其餘四遷未詳聞也鄭玄云契本封商國在太華之陽皇甫謐云今上洛商是也襄九年左傳云陶唐氏之火正閼伯居商丘相土因之杜預云今梁國睢陽宋都是也其砥石先儒無言不知所在自契至湯諸侯之國而得數遷都者蓋以時王命之使遷至湯乃以商為天下號則都雖數遷商名不改今湯遷亳乃作此篇若是諸侯遷都則不得史錄其事以為商書之首文在湯征諸侯伊尹去亳之上是湯將欲為王時事史以商有天下乃追錄初興并湯征與汝鳩汝方皆是伐桀前事後追錄之也。傳契父至王居 正義曰先王天子也自契已下皆是諸

### 胤征

侯且文稱契至湯今云從先王居者必從契之先世天子所居也世本本紀皆云契是帝嚳子知先王是契父帝嚳帝嚳本居亳今湯往從之嚳實帝也言先王者對文論優劣則有皇與帝及王之別散文則雖皇與帝皆得言王也故禮運云昔者先王未有宮室乃謂上皇為王是其類也孔言湯自商丘遷焉以相土之居商丘其文見於左傳因之言自商丘徙耳此言不必然也何則相土契之孫也自契至湯凡八遷若相土至湯都遂不改豈契至相土三世而七遷也相土至湯必更遷都但不知湯從何地而遷亳耳必不從商丘遷也鄭玄云亳今河南偃師縣有湯亭漢書音義臣瓚者云湯居亳今濟陰亳縣是也今亳有湯塚已氏有伊尹塚杜預云梁國蒙縣北有亳城城中有成湯塚其西又有伊尹塚皇甫謐云孟子稱湯居亳與葛為鄰葛伯不祀湯使亳眾為之耕葛即今梁國寧陵之葛鄉也若湯居偃師去寧陵八百餘里豈當使民為之耕乎亳今梁國穀熟縣是也諸說不同未知孰是 傳告來至皆亡正義曰經文既亡其義難明孔以意言耳所言帝告不知告誰序言從先王居或當告帝嚳也

### 湯征

諸侯

為夏方伯得專征伐

葛伯不祀湯始征之

葛國伯爵也廢

其土地山川及宗廟神祇皆不祀湯始伐之伐始於葛。祇巨支反

**疏**

傳葛國至於葛。正義曰序言湯征

諸侯知其人是葛國之君伯爵直云不祀文無指斥王制云山川神祇有不舉者為不敬不敬者君削以地宗廟有

不順者為不孝不孝者君黜以爵是言不祀必廢其土地山川之神祇及宗廟皆不祀故湯始征之湯伐諸侯伐始

於葛仲虺之誥云初征自葛是也孟子云湯居亳與葛為鄰葛伯不祀湯使人問之曰何為不祀曰無以供犧牲也

湯使遺之牛羊葛伯食之又不祀湯又使人問之曰何為不祀曰無以供粢盛也湯使亳往為之耕老弱饋食葛伯

率其人要其酒食黍稻者劫而奪之不授者殺之有童子以黍肉餉殺而奪之書曰葛伯仇餉此之謂也是說伐始

於葛之事也

作湯征

述始征之義也亡

伊尹去亳適夏

伊尹字氏湯進

於桀

**疏**

傳伊尹至於桀文以曉人也伊尹不得叛湯知湯貢之於桀必貢

正義曰伊氏尹字故云字氏倒

滑征

之者湯欲以誠輔桀異其用賢以治不可臣輔乃始伐之此時未有伐桀之意故貢伊尹使輔之孫武兵書反間篇

曰商之興也伊尹在夏周之興也呂牙在殷言使之為反間也與此說殊

既醜有夏復歸

于亳

醜惡其政不能用賢故退還。復扶又反

入自北門乃遇汝鳩

汝方

鳩方二人湯之賢臣不期而會曰遇

**疏**

傳鳩方至曰遇正義曰伊尹與之言知是賢臣也

不期而會曰遇隱八年穀梁傳文也

作汝鳩汝方

言所以醜夏而還之意二篇皆亡



附釋音尚書註疏卷第七

附釋音尚書註疏卷第八

商書凡三十四篇十七篇云十七篇見存

湯誓第一 商書 孔氏傳 孔穎達疏

伊尹相湯伐桀外自師

桀都安邑湯外道從師出其不意師在何曲之

南○相息亮反湯如字馬云俗儒以湯為謚或為號號者似非其意言謚近之然不在謚法故無聞焉及禹俗儒以為名帝系禹名文命王侯世本湯名天乙推此言之禹豈復非謚乎亦不在謚法故疑焉桀其列反夏之末天子升音昇臨音而遂與桀戰于鳴條之野

地在安邑之西桀逆拒湯

作湯誓疏

伊尹至湯誓正義曰伊尹以夏政配禹去而歸湯輔相成湯與之伐桀外道從師

出其不意遂與桀戰于鳴條之野將戰而誓戒士衆史記其事作湯誓○傳桀都至之南正義曰此序湯自伐桀必言伊尹相湯者序其篇次自為首尾以上云伊尹醜夏遂相成湯伐之故文次言伊尹也計太公之相武王猶如

伊尹之相成湯泰誓不言太公相者彼文無其次也且武王之時有周召之倫聖賢多矣湯稱伊尹云聿求元聖與之戮力伊尹稱惟尹躬暨湯咸有一德則伊尹相湯其功多於太公故特言伊尹相湯也桀都安邑相傳為然即漢之河東郡安邑縣是也史記吳起對魏武侯云夏桀之居左河濟右太華伊闕在其南羊腸在其北修政不仁湯放之也地理志云上黨郡壺關縣有羊腸坂在安邑之北是桀都安邑必當然矣將明師之所在故先言桀都安邑桀都在亳西當從東而往今乃升道從師升者從下向上之名言師當是山阜之地歷險迂路為出其不意故也師在河曲之南蓋今潼關左右河曲在安邑西南從師向北渡乃東向安邑鳴條在安邑之西桀西出拒湯故戰于鳴條之野師在河曲之南鳴條在安邑之西皆彼有其迹相傳云然湯以至聖伐桀當顯行用師而出其不意掩其不備者湯承禪代之後嘗為桀臣慙而且懼故出其不意武王則三分天下有其二久不事紂紂有降桀之罪地無險要之勢故顯然致罰以明天誅又懲慙誓衆與湯有異所以湯惟一誓武王有三○傳地在至拒湯正義曰鄭玄云

鳴條南夷地名孟子云舜卒於鳴條東夷之地或云陳留平丘縣今有鳴條亭是也皇甫謐云伊訓曰造攻自鳴條朕哉自亳又曰夏師敗績乃伐三朶湯誥曰王歸自克夏至于亳三朶在定陶於義不得在陳留與東夷也今安邑見有鳴條陌昆吾亭左氏以為昆吾與桀同以乙卯日亡韋顧亦爾故詩曰韋顧既伐昆吾夏桀於左氏昆吾在衛乃在濮陽不得與桀異處同日而亡明昆吾亦來安邑欲以衛桀故同日亡而安邑有其亭也且吳起言險以指安邑安邑於此而言何得

**湯誓**

戒誓湯士衆

**疏**

湯誓正義曰此經皆誓

之辭也甘誓泰誓牧誓發首皆有序引別言其誓意記其誓處此與費誓惟記誓辭不言誓處者史非一人辭有詳略序以經文不

具故備言之也**王曰格爾衆庶悉聽朕言**始契

封商湯遂以為天下號湯稱王**非台小子敢行稱**

**亂有夏多罪天命殛之**

稱舉也舉亂以諸侯伐天子非我小子敢行此

事桀有昏德天命誅之今順天  
○台以之反下同○今爾有衆汝曰我

后不恤我衆舍我穡事而割正夏  
汝汝有衆我后桀也

正政也言奪民農功而為割剥  
之政○恤荀律反○舍音捨廢也予惟聞汝衆言

我衆夏氏有罪予畏上帝不敢不正  
不敢不正桀罪

之誅今汝其曰夏罪其如台  
今汝其復言桀惡其亦如我所聞之言○復扶

又夏王率遏衆力率割夏邑  
言桀君臣相率為勞役之事以絕衆

力謂廢農功相率剥割夏之邑居謂征  
賦重○遏於葛反徐音謁馬云止也有衆率怠弗

協曰時日曷喪予及汝皆亡  
衆下相率為怠惰不與上和台比桀於日

曰是日何時喪我與汝俱亡欲殺  
身以喪桀○喪息浪反○惰徒卧反夏德若茲今朕

湯誓

必往  
凶德如此我必往誅之爾尚輔予一人致天之罰

予其大賚汝  
賚與也汝庶幾輔成我我大與汝爵賞○罰音伐賚力代反徐音來爾

無不信朕不食言  
食盡其言偽不實爾不從誓言  
不

命予則孥戮汝罔有攸赦  
古之用刑父子兄弟罪不相及今云孥戮

汝無有所赦權  
疏王曰至攸赦正義曰商王成湯將以脅之使勿犯

庶悉聽我之誓言我伐夏者非我小子輒敢行此以臣伐  
君舉為亂事乃由有夏君桀多有大罪上天命我誅之桀

既失君道我非復桀臣是以順天誅之由其多罪故也桀  
之罪狀汝盡知之今汝桀之所有之衆即汝輩是也汝等

言曰我君夏桀不憂念我等衆人舍廢我稼穡之事奪我  
農功之業而為割剥之政於夏邑斂我貨財我惟聞汝衆

言夏氏既有此罪上天命我誅桀我畏上天之命不敢不  
正桀罪而誅之又質而審之今汝衆人其必言曰夏王之



罪其實如我所言夏王非徒如此又與臣下相率遏絕衆力使不得事農又相率爲割剝之政於此夏邑使不得安居上下同惡民困益甚由是汝等相率怠惰不與在上和協比桀於日曰是日何時能喪若其可喪我與汝皆亡身殺之寧殺身以亡桀是其惡之甚夏王惡德如此今我必性誅之汝庶幾輔成我一人致行天之威罰我其大賞賜汝汝無得不信我語我終不食盡其言爲虛僞不實汝若不從我之誓言我則弃殺汝子以戮汝身必無有所赦勸使勉力勿犯法也庶亦衆也古人有此重言猶云艱難也。傳契始至一夫正義曰以湯於此稱王故本其號商之意契始封商湯號爲商知契始封商湯遂以商爲天下之號鄭玄之說亦然惟王肅云相土居商丘湯取商爲號若取商丘爲號何以不名商丘而單名商也若八遷國名商不改則此商猶是契商非相土之商也若八遷遷即改名則相土至湯改名多矣相土既非始祖又非受命何故用其所居之地以爲天下號名成湯之意何取乎知其必不然也湯取契封商以商爲天下之號周不取后稷封郃爲天下之號者契後八遷商名不改成湯以商受命故宜

### 湯誓

以商爲號后稷之後隨遷易名公劉爲豳大王爲周文王以周受命故當以周爲號二代不同理則然矣泰誓云獨夫受此湯稱爲王則比桀於一夫桀既同於一夫故湯可稱王矣是言湯於伐桀之時始稱王也周書泰誓稱王則亦伐紂之時始稱王也鄭玄以文王生稱王亦謬也。傳稱舉至順天正義曰稱舉釋言文常法以臣伐君則爲亂逆故舉亂謂以諸侯伐天子桀有昏德宣三年左傳文以有昏德天命誅之今乃順天行誅非復臣伐君也以此解衆人守常之意也。傳今汝至之言正義曰如我者謂湯之自稱我也湯謂其衆云汝言桀之罪如我誓言所述也。傳言桀至賊重正義曰此經與上舍我穡事而割正夏其意一也上言夏王之身此言君臣相率再言所以積桀之罪也力施於農財供上賦故以止絕衆力謂廢農功割剝夏邑謂征賦重言以農時勞役又重斂其財致使民困而怨深賦斂重則民不安矣。傳衆下至喪桀正義曰上既馭之非道下亦不供其命故衆下相率爲怠惰不與上和合不肯每事順從也比桀於日曰是日何時喪亡欲令早喪桀命也我與汝俱亡者民相謂之辭言並



欲殺身以喪桀也。所以比桀於日者，以日無喪之理。猶云桀不可喪，言喪之難也。不避其難，與汝俱亡，欲殺身以喪桀疾之甚也。鄭云：桀見民欲叛，乃自比於日，曰：『是日何嘗喪乎？』日若喪亡，我與汝亦皆喪亡。引不亡之辭，以脅恐下民也。○傳：食盡至不實。正義曰：釋詁云：食偽也。孫炎曰：食言之偽也。哀二十五年左傳云：孟武伯惡郭重，曰：『何肥也？』公曰：『是食言多矣，能無肥乎？』然則言而不行，如食之消盡，後終不行前言為偽，故通謂偽言為食言。故爾雅訓食為偽也。○傳：古之至勿犯。正義曰：昭二十年左傳引康誥曰：『父子兄弟罪不相及。』是古之用刑如是也。既刑不相及，必不殺其子。權時以迫脅之，使勿犯刑法耳。不於甘誓解之者，以夏啓承舜禹之後，刑罰尚寬，殷周以後其罪或相緣坐，恐其實有孥戮，故於此解之。鄭玄云：『大罪不止其身，又孥戮其子。』孫周禮云：『其奴男子入于罪隸，女子入于春槁。』鄭意以為實戮其子，故周禮云：『奴謂從坐而沒入縣官者也。』孔以孥戮為權脅之辭，則周禮所云『非從坐也』，鄭眾云：『謂坐為盜賊而為奴者，輸於罪隸。』春人槁人之官，引此孥戮，汝又引論語云：『箕子為之奴，或如眾言，別有沒入。』

湯誓

非緣坐者也

湯既勝夏，欲遷其社，不可。

湯承堯舜禪代之後

順天應人，逆取順守，而有勲德，故革命創制，改正易服，變置社稷，而後世無及。句龍者，故不可而止。○社，后土之神。○禪，時戰反。○應，應對之應。○創，初亮反。○正，音征。○又音政。○句，音鉤。○句龍，共工之子，為后土。

至臣扈

言夏社不可遷之義疑至及臣扈三篇皆云○扈音戶

疏

湯既至臣扈正義曰湯

作夏社疑

既伐而勝，夏革命創制，變置社稷，欲遷其社，無人可代。句龍故不可而止。於時有言議，論其事故，史叙之為夏社疑。至臣扈三篇皆云：『○傳：湯承至而止。』正義曰：傳解湯遷社之意，湯承堯舜禪代之後，已獨伐而取之，雖復應天順人，乃是逆取順守，而有勲德，自恨不及古人，故革命創制，改正易服，因變置社稷也。易革卦彖曰：『湯武革命，順乎天而應乎人。』下篇言湯有勲德，大傳去改正朔易服色，此其所得與民變革者也。所以變革此事，欲易人之視聽，與之更新，故於是之時，變置社稷，昭二十九年左傳云：『其丘氏有子曰句龍，為后土。』后土為社，有列山氏之子曰柱。

為稷自夏已上祀之周棄亦為稷自商已來祀之祭法云厲山氏之有天下也其子曰農能殖百穀夏之衰也周棄繼之故祀以為稷共工氏之霸九州也其子曰后土能平九州故祀以為社是言變置之事也魯語文與祭法正同而云夏之興也周棄繼之興當為棄字之誤耳湯于初時社稷俱欲改之周棄功多於柱即令廢柱祀棄而上世治水土之臣其功無及句龍者故不可遷而止此序之次在湯誓之下云湯既勝夏下云夏師敗績湯遂從之是未及逐桀已為此謀鄭玄等注云序乃在湯誓之上若在做誓之前不得云既勝夏也孟子曰犧牲既成粢盛既絜祭祀之時然而旱乾水溢則變置社稷鄭玄因此乃云湯伐桀之時大旱既置其祀祀明德以薦而猶旱至七年故更致社稷乃謂湯即位之後七年大旱方始變之若實七年乃變何當繫之勝夏勝夏猶尚不可況在湯誓前乎且禮記云夏之衰也周棄繼之商興七年乃變安得以夏衰為言也若商革夏命猶七年祀柱左傳亦不得斷為自夏已上祀柱自商已來祀棄也由此而言孔稱改正朔而變置社稷所言得其旨也漢世儒者說社稷有二左傳說社祭句

湯誓

龍稷祭柱棄惟祭人神而已孝經說社為土神稷為穀神句龍柱棄是配食者也孔無明說而此經云遷社孔傳云無及句龍即同賈逵馬融等說以社為句龍也○傳言夏至皆亡正義曰疑至與臣扈相類當是二臣名也蓋亦言其不可遷之意馬融云聖夏師敗績湯遂從之不可自專復用二臣自明也○**遂伐三股俘厥寶玉**大崩曰敗績從謂遂討之○**疏**傳三股至寶之正○**疏**子公反音孚行戶剛反一音如字○**疏**義曰湯伐三股知是國名桀走保之今定陶也桀自安邑東入山出太行東南涉河湯緩追之不迫遂奔南巢俘取也玉以禮神使無水旱之災故取而寶之○**疏**子公反音孚行戶剛反一音如字○**疏**義曰湯伐三股知是國名遂桀而伐其國知桀走保之也今定陶者相傳為然安邑在洛陽西北定陶在洛陽東南孔跡其所往之路桀自安邑東入山出太行乃東南涉河往奔三股湯緩追之不迫遂奔南巢俘取釋詁文桀必載寶而行棄於三股取其寶玉取其所棄者也楚語云玉足以庇廕嘉穀使無水旱之災則寶之韋昭云玉禮神之玉也言用玉禮神神享



其德使風雨調和可以誼伯仲伯作典寶二臣作底廕嘉穀故取而寶之篇言國之常寶也云○誼本或作義

仲虺之誥第二 商書 孔氏傳 孔穎達疏

湯歸自夏至于大垆自三股而還大垆地名○垆消螢反徐欽螢反又古

反螢仲虺作誥為湯左相奚仲之後○虺許疏湯歸

誥正義曰湯歸自伐夏至于大垆之地其臣仲虺作誥以誥湯使錄其言作仲虺之誥上言遂伐三股故傳言自

三股而還不言歸自三股而言歸自夏者伐夏而遂遂桀於今方始旋歸以自夏告廟故序言自夏傳本其來處故

云自三股耳大垆地名未知所在當是定陶向亳之路所經湯在道而言予恐來世以台為口實故仲虺至此地而

作誥也序不言作仲虺之誥以理足文便故略之○傳為湯至之後正義曰定元年左傳云薛之皇祖奚仲居薛

湯誓

以為夏車正仲虺居薛以為湯左相是其事也仲虺之誥仲虺臣名以諸侯相天子會同曰誥

疏仲虺之誥正義曰發首二句史述成湯之心次二句湯言已慙之意仲虺乃作誥以下皆勸湯之辭自

曰嗚呼至用爽厥師言天以桀有罪命伐夏之事自簡賢輔勢至言斥聽聞說湯在桀時怖懼之事自惟王弗爾聲

色至厥惟舊哉言湯有德行加民民歸之事自佑賢輔德以下說天子之法當擢用賢良屏黜昏暴勸湯奉行此事

不須以放桀為惡康誥召誥之類二字足以為文仲虺誥三字不得成文以之字足成其句畢命罔命不言之微子

之命文侯之命言之與此同猶周禮司服言大裘而冕亦是句也○傳仲虺至曰誥正義曰伯仲叔季人字之常

仲虺必是其名或字仲而名虺古人名字不可審知縱使是字亦得謂之為名言是人之名號也左傳稱居薛為湯

左相是以諸侯相天子也周禮士師云以五戒先後刑罰一曰誓用之於軍旅二曰誥用之於會同是會同曰誥誥

謂於會之所設言以誥衆此惟誥湯一人而言會同者因解諸篇誥義且仲虺必對衆誥湯亦是會同曰誥成

湯放桀于南巢有勲德惟湯伐桀武功成故有勲德湯伐桀武功成故

為口實天子常不去口仲虺乃作誥陳義誥湯

曰嗚呼惟天生民有欲無主乃亂民無君主則恣情欲

必致禍亂言天生聰明是治民亂有夏昏

德民隳塗炭夏桀昏亂不恤下民民之危天乃錫

王勇智表正萬邦言天與王勇智應為民主儀表

命天意如此但當循其典法疏成湯放桀于南巢

仲虺之誥奉順天命而已無所慙

縱而不追故稱放也傳言南巢地名不知地之所在周書

序有巢伯來朝傳云南方遠國鄭玄云巢南方之國也一

見者桀之所奔蓋彼國也以其國在南方故稱南耳夏

王有罪矯誣上天以布命于下言託天以行虐於民乃桀

之大罪矯居帝用不臧式商受命用爽厥

師天用桀無道故不善之式用爽明也用商簡賢附

勢寔繁有徒簡略也賢而無勢則略之不賢有勢

之有紕肇我邦于有夏若苗之有莠若粟

之有紕肇我邦于有夏若苗之有莠若粟

之有紕肇我邦于有夏若苗之有莠若粟

之有紕肇我邦于有夏若苗之有莠若粟

之有紕肇我邦于有夏若苗之有莠若粟

之有紕肇我邦于有夏若苗之有莠若粟



辜矧予之德言足聽聞

言商家小大憂危恐其非罪見滅矧况也况我

之道德善言足聽聞乎無道之惡有道德自然理。惡鳥路反。

惟王不邇聲色不

殖貨利

邇近也不近聲樂言清簡不近女色言貞固殖生也不生貨財利言不貪也既有聖德兼有

此行。近附近

**疏**

夏王至厥師正義曰矯詐也誣加之近行下孟反也夏王自有所欲詐加上天言天道

須然不可不爾假此以布苛虐之命於天下以困苦下民上天用桀無道之故故不善之用使商家受此為王之命

以王天下用命商王明其所有之衆謂湯教之使修德行善以自安樂是明之也。傳式用爽明也正義曰式用

釋言文昭七年左傳云是以有精爽至於神明從爽以至於明則爽是明之始故爽為明也經稱昧爽謂未大明也

德德懋官功懋懋賞用人惟已改過不吝

勉於德者則勉之以官勉於功者則勉之以賞用人之言若自己出有過則改無所吝惜所以能成王業

仲虺之誥

寬克仁彰信兆民

言湯寬仁之德

**疏**

德懋至不吝正義

曰於德能勉力行之者王則勸勉之以官於功能勉力為之者王則勸勉之以賞用人之言惟如己之所出改悔過

失無所吝惜美湯之行如此凡庸之主得人之言取非已智雖知其善不肯遂從己有愆失恥於改過舉事雖覺其

非不肯更悔是惜過不改故以此美湯也成湯乃葛伯之為此行尚為仲虺所稱歎凡人能勉者鮮矣

仇餉初征自葛東征西夷怨南征北狄怨

葛伯遊行見農民之餉於田者殺其人奪其餉故謂之仇餉仇怨也湯為是以不祀之罪伐之從此後遂征無道西

夷北狄舉遠以言則近者曰奚獨後予怨者攸徂

之民室家相慶曰僕予后后來其蘇

湯所徃之民皆

喜曰待我君來其可蘇息

○僕胡啓反蘇字亦作蘇民之戴商厥惟舊哉謂

初征自葛時 佑賢輔德顯忠遂良

賢則助之德則輔之忠則顯之良則

進之明王之道 兼弱攻昧取亂侮亡

弱則兼之闇則攻之亂則取之有亡

形則侮之言正義 推亡固存邦乃其昌

有亡道則推而亡之有存道則

輔而固之王者如此國

乃昌盛○推土雷反

疏

乃葛伯仇餉正義曰此言乃者却說已過之事亂征云乃

季秋月朔其義亦然左傳稱怨耦曰仇謂彼人有負於我我心怨之是名為仇也餉田之人不資葛伯葛伯奪其餉而殺之是葛伯以餉田之人為己之仇言非所怨而妄殺故湯為之報也孟子稱湯使亳眾往為之耕有童子以黍肉餉葛伯奪而殺之則葛伯所殺殺亳人也傳言葛伯遊行見農人之餉於田者殺其人而奪其餉故謂之仇餉乃似葛伯自殺已人與孟子違者湯之征葛以人之枉死而為之報耳不為亳人乃報之非亳人則赦之故傳指言殺餉不辨死者何人亳人葛人義無以異故不復言亳非是故違孟子○傳賢則至之道 正義曰周禮卿大夫云三

仲虺之誥

年則大比考其德行道藝而興賢者鄭玄云賢者謂有德行者詩序云忠臣良士皆是善也然則賢是德盛之名德是資賢之實忠是盡心之事良是為善之稱俱是可用之人所從言之異耳佑之與輔顯之與遂隨便而言之○傳弱則至正義 正義曰力少為弱不明為昧政荒為亂國滅為亡兼謂包之攻謂擊之取謂取為已有侮謂侮慢其人弱昧亂亡俱是彼國衰微之狀兼攻取侮是此欲吞并之意弱昧是始衰之事來服則制為己屬不服則以兵攻之此二者始欲服其人末是滅其國亂是已亂亡謂將亡二者衰甚已將滅其國亡形已著無可忌憚故陵侮其人既侮其人必滅其國故以侮言之此是人君之正義仲虺陳此者意亦言桀亂亡取之不足為愧下言推亡及覆昏暴其意亦在桀也 德日新萬邦惟懷志自滿九族乃

離

日新不懈怠自滿志

疏

德日至乃離 正義曰易繫辭云日新之謂盛德修

德不怠日日益新德加于人無遠不届故萬邦之眾惟盡歸之志意自滿則陵人人既被陵情必不附雖九族之親



乃亦離之萬邦舉遠以明近九族舉親以明疎也漢代儒者說九族有二案禮戴及尚書緯歐陽說九族乃異姓有屬者父族四母族三妻族二古尚書說九族從高祖至玄孫凡九族堯典云以親九族傳云以睦高祖玄孫之親則此言九族亦謂高祖玄孫之親也謂萬邦惟懷實歸之九族乃離實離之聖賢設言為戒容辭頗其父子之間便以志蒲相棄此言九族以為外姓九族有屬文便也

王懋昭大德建中于民

以義制事以禮制心垂裕後昆欲王自勉明大德立大中

之道於民率義奉禮垂優足之道示後世○中如字本或作忠非裕徐以樹反予聞曰能自得師者王求賢聖而事之○王謂人莫已若者徐于况反又如字

云自多足人莫好問則裕自用則小問則有得所以足不

問專固所以小○好呼報反嗚呼慎厥終惟其始靡不有初鮮克有終

故戒慎終如其殖有禮覆昏暴有禮者封殖之昏暴者覆亡之○覆

始○鮮息淺反芳服反暴蒲報反字或作譏欽崇天道永保天命王者如此上事則敬

天安命之道

湯誥第三 商書 孔氏傳 孔穎達疏

湯既黜夏命黜退也退其王命復歸于亳作湯誥

湯誥以伐桀大義告天下疏湯既至湯誥正義曰湯既黜夏

示天下史錄其事作湯誥仲虺在路作誥此至亳乃作故次仲虺之下王歸自克夏至

于亳誕告萬方誕大也以天命大義告萬方疏之衆人○誕音但告工毒反

王歸自克夏正義曰湯之伐桀當有諸侯從之不從行者必應多矣既已克夏改正名號還至于亳海內盡來猶



如武成篇所云庶邦家君暨百工受命于周也湯於此時大誥諸侯以伐桀之義故云誕告萬方誕大釋詁文萬者舉盈數下云凡我王曰嗟爾萬方有衆明聽予造邦是誥諸侯也

一人誥天子自稱曰予一人古今同義惟皇上帝降衷于下民

皇天上帝天也衷善也疏降衷于下民正義曰天生烝民與之五常之性使有仁義禮智信是天降善

於下民也天既與善於民君當順之故下傳云順人有常之性則是爲君之道若有恒性克

綏厥猷惟后順人有常之性能安立其道教則惟爲君之道夏王滅德

作威以敷虐于爾萬方百姓夏桀滅道德作威刑以布行虐

爾萬方百姓罹其凶害弗忍荼

毒罹被荼毒苦也不能堪忍虐之甚○疏弗忍荼毒罹力之反本亦作羅洛何反荼音徒正義曰

釋草云荼苦菜此菜味苦故假之以言人苦毒謂整人之蟲蛇虺之類實是人之所苦故并言荼毒以喻苦也

並告無辜于上下神祇言百姓兆民並告無罪稱冤訴天地○冤於元反

天道福善禍淫降災于夏以彰厥罪善政

肆台小天福之淫過天禍之故下災異以明桀罪惡謹寤之而桀不改○謹遣戰反寤五故反

子將天命明威不敢赦行天威謂誅之○台音怡敢用玄

牡敢昭告于上天神后請罪有夏明告天問桀百

姓有何罪而加虐疏敢用玄牡正義曰檀弓云殷人乎○牡茂后反尚白牲用白今云玄牡夏家尚黑

于時未變夏禮故不用白也故安國注論語敢用玄牡之文云殷家尚白未變夏禮故用玄牡是其義也鄭玄說天神有六周家冬至祭皇天大帝于圜丘牲用蒼夏至祭靈威仰於南郊則牲用騂孔注孝經圜丘與郊共爲一事則

孔之所說無六天之事論語堯曰之篇所言敢用玄牡即此事是也孔注論語以為堯曰之章有二帝三王之事錄者採合以成章檢大禹謨及此篇與泰誓武成則堯曰之章其文畧矣鄭玄解論語云用玄牡者為舜命禹事於時摠告五方之帝莫適用用**聿求元聖與之戮力**皇天大帝之牲其意與孔異

**以與爾有衆請命**聿遂也大聖陳力謂伊尹放桀除民之穢是請命○聿允

禘反述也○戮舊音六又力彫反說文**疏**傳聿遂至請命力周反史記音力消反穢於廢反

述也述前所以申遂故聿為遂也戮力猶勉力也論語云陳力就列湯臣大賢惟有伊尹故知大聖陳力謂伊尹也伊尹賢人而謂之聖者相對則聖極而賢次散文則賢聖相通舜謂禹曰惟汝賢是聖得謂之賢則賢亦可言聖鄭玄周禮注云聖通而先識也解先識則為聖名故伊尹可為聖也孟子云伯夷聖人之清者也伊尹聖人之任者也柳下惠聖人之和者也孔子聖人之時者也是謂伊尹為聖人也桀為殘虐人不自保故伐桀除人之穢是為請命

湯誥

上天孚佑下民罪人黜伏

浮信也天信佑助下民桀知其罪退

伏遠

天命弗僭賁若草木兆民允殖

賁差賁飾

也言福善禍淫之道不差天下惡除煥然咸飾若草木同華而民信樂生○僭子念反忒也劉劭林反賁彼義反徐

扶云反煥呼

**疏**

天命至允殖正義曰桀以大罪身即黜伏是天之福善禍淫之命信而不僭

差也既除大惡天下煥然脩飾若草木同生華兆民信樂生也昔日不保性命今日樂生活矣僭差不齊之意故傳

以僭為差賁飾

俾予一人輯寧爾邦家

言天使我

輯安汝國家國諸侯家卿大夫○俾必爾反徐甫婢反輯音集又七入反

茲朕未知獲

戾于上下

此伐桀未知得罪於天地謙以求衆心○戾力計反

**疏**

傳此伐至衆心正

義曰經言茲者謂此伐桀也顧氏云未知得罪于天地言伐桀之事未知得罪于天地以否湯之伐桀上應天心下

符人事本實無罪而云未知  
**慄慄危懼若將墮**

于深淵慄慄危心若墜深淵危懼  
**凡我造邦無**

從匪彝無即愆淫戒諸侯與之更始彝常愆慢也

徐音夷**各守爾典以承天休**  
守其常法**爾**

**有善朕弗敢蔽罪當朕躬弗敢自赦惟簡**

**在上帝之心**  
所以不蔽善人不赦已**疏**  
惟簡在上

正義曰鄭玄注論語云簡閱在天心言天簡閱其善惡也**其爾萬方有罪在**

**予一人**  
自責化**予一人有罪無以爾萬方**

無用爾萬方**嗚呼尚克時忱乃亦有終**  
忱誠也

湯誥

是誠道乃亦有終也  
**咎單作明居**  
咎單臣名主土地之官作明居

民法一篇二**疏**  
咎單作明居正義曰百篇之序此

逸作立政與此篇直其所作之人不言其作者之意蓋以

經文分明故略之馬融云咎單為湯司空傳言主土地之

**伊訓第四 商書 孔氏傳 孔穎達疏**

**成湯既沒太甲元年**  
太甲太丁子湯孫也太丁

立稱**伊尹作伊訓肆命徂后**  
凡三篇**疏**  
湯

至祖后正義曰成湯既沒其歲即太甲元年伊尹以太

甲承湯之後恐其不能纂修祖業作書以戒之史叙其事

作伊訓肆命徂后三篇○傳太甲至元年正義曰太甲

太丁子

此序

以太

甲

元年



丁未立而卒太甲以孫繼祖故湯沒而太甲代立即以其  
年稱為元年也周法以踰年即位知此即以其年稱為元年  
者此經云元祀十有二月伊尹祠于先王奉嗣王祗見厥  
祖太甲中篇云惟三祀十有二月朔伊尹以冕服奉嗣王  
歸于亳二者皆云十有二月若是踰年即位二者皆當以  
正月行事何以用十二月也明此經十二月是湯崩之踰  
月太甲中篇三祀十有二月是服闋之踰月以此知湯崩  
之年太甲即稱元年也舜禹以受帝終事自取歲首遭喪  
嗣位經無其文夏后之出或不踰年也顧氏云殷家猶  
質踰月即改元年以明出異不待正月以為首也商謂年  
為祀序稱年者序以周出言之故也據此經序及太甲之  
篇太甲必繼湯後而殷本紀云湯崩太子太丁未立而卒  
於是乃立太丁之弟外丙三年崩別立外丙之弟仲壬四  
年崩伊尹乃立太丁之子太甲與經不同彼必妄也劉歆  
班固不見古文謬從史記皇甫謐既得此經作帝王世紀  
乃述馬遷之語是其疎也顧氏亦云止可依經誥大典不  
可用傳伊訓作訓以教惟元祀十有二月乙

伊訓

# 丑伊尹祠于先王

此湯崩踰月太甲即位奠殯而告○祀年也夏曰歲商曰祀周

曰年唐虞曰載

**疏**

惟元祀

正義曰伊尹祠于先王謂

故傳解祠先王為奠殯而告見厥祖為居位主喪群后咸

在為在位次皆述在喪之事是言祠是奠也祠喪于殯歛

祭皆名為奠虞祔卒哭始名為祭知祠非宗廟者元祀即

是初喪之時未得祠廟且湯之父祖不追為王所言先王

惟有湯耳故知祠實是奠非祠宗廟也祠之與奠有大小

耳祠則有主有尸其禮大奠則奠器而已其禮小奠祠俱

是享神故可以祠言奠亦由於時猶質未有節文周時則

祠奠有異故傳解祠為奠耳○傳此湯至而告正義曰

太甲中篇云三祀十有二月伊尹以冕服奉嗣王則是除

喪即吉明十二月服終禮記稱三年之喪二十五月而畢

知此年十一月湯崩此祠先王是湯崩踰月太甲即位奠

殯而告也此奠殯而告亦如周康王受顧命尸於天子春

秋之世既有奠殯即位踰年即位此踰月即位當奠殯即

位也此言伊尹祠于先王是特設祀也嗣王祗見厥祖是

始見祖也特設祀禮而王始見祖  
明是初即王位告殯為喪主也  
奉嗣王祗見厥

祖居位主喪○侯甸群后咸在在位次○百見賢通反

官總己以聽冢宰伊尹制百官以三公伊尹乃

明言烈祖之成德以訓于王湯有功德之祖故稱焉疏

傳湯有至稱焉正義曰湯有功德之祖毛詩傳文也烈

訓業也湯有定天下之功業為商家一代之大祖故以烈

焉祖稱曰嗚呼古有夏先后方懋厥德罔有

天災先君謂禹以下少康以上賢王言能以德疏傳

君至禳災正義曰有夏先君摠指桀之上世有德之王

皆是也傳舉聖賢者言禹已下少康已上惟當禹與啓及

少康耳魯語云杼能師禹者也杼少康之子傳蓋以其德

衰薄故斷自少康已上耳由勉行其德故無有天災言能

伊訓

以德禳災也山川鬼神亦莫不寧莫無也言暨鳥

獸魚鼈咸若維微物皆順之明其餘無不疏山

至咸若正義曰山川鬼神謂山川之鬼神也亦莫不寧

者謂鬼神安人君之政政善則神安之神安之則降福人

君無妖孽也鳥獸魚鼈咸若者謂人君順禽魚君政善而

順彼性取之有時不夭殺也鳥獸在陸魚鼈在水水所生

微細之物人君為政皆順之明其餘無不順也于其子孫弗率皇天降

災假手于我有命言桀不循其祖道故天下禍

之造攻自嗚條朕哉自亳造哉皆始也始攻

修德于亳○亳旁疏于其至自亳正義曰于其子孫

各反徐扶各反於有夏先君之子孫謂桀也不循

其祖之道天下禍災謂滅其國而誅其身也天不能自誅

於桀故借手于我有命之人謂成湯也言湯有天命將為



天子就湯借手使誅桀也既受天命誅桀始攻從鳴條惟之地而敗之天所以命我者由湯始自修德於亳故也

我商王布昭聖武代虐以寬兆民允懷湯言

布明武德以寬政代桀虐政兆民以此皆信懷我商王之德今王嗣厥德罔不

在初言善惡之由無不立愛惟親立敬惟長

始于家邦終于四海言立愛敬之道始於親長則家國並化終治四海

長丁疏立愛至四海正義曰王者之馭天下撫兆人

事言天子當用愛敬以接物也行之所立自近為始立愛

惟親先愛其親推之以及疎立敬惟長先敬其長推之以

及幼即孝經所云愛親者不敢惡於人敬親者不敢慢於

伊訓

人是推親以及物始則行於家國終乃洽於四海即孝經

所云德教加於百姓刑于四海是也所異者孝經論愛敬

並始於親今緣親以及疎此分敬屬長言從長以及幼耳

嗚呼先王肇修人紀從諫弗拂先民時

若言湯始修為人綱紀有過則改從諫疏先民時若

賈逵注周語云先民古賢人也魯語云古曰在昔昔曰先

民然則先民在古昔之前遠言之也遠古賢人亦是民內

之一人故以民言之先民之言居上克明言理疏

於是順從言其動皆法古賢也為下克忠竭誠

居上克明正義曰見下之謂明言其以理恕物照察下情是能明也

與人不求備檢身若不及使人必器之常疏

檢身若不及正義曰檢謂自攝斂也檢勅其疏

身常如不及不自大以卑人不恃長以陵物也以至子

有萬邦茲惟艱哉言湯操心常危懼動而無過

操七曹反又七報反敷求哲人俾輔于爾後嗣布求賢智使師



輔於爾嗣王言仁及後世制官刑傲于有位言湯

○治本又作詰必爾反制治官刑法以傲戒百官○傲居領反曰敢有恒舞于宮酣歌

于室時謂巫風常舞則荒淫樂酒曰酣酣歌則廢

淫風過之風俗敢有殉于貨色恒于遊畋時謂

侮聖言逆忠直遠耆德比頑童時謂亂

風狎侮聖人之言而不行拒逆忠直之規而不納耆年

于萬反注同巨夷反此毗志反惟茲三風十愆

徐扶至反直利反魚巾反有一過則德義廢失位

卿士有一于身家必喪亡家之道○愆去乾反

伊訓

喪如字又息浪反邦君有一于身國必亡諸侯犯此臣

下不匡其刑墨具訓于蒙士邦君卿士則以

不正君服墨刑鑿其頷淫以墨蒙士例謂下士士以爭友

僕隸自匡正○諫爭之爭在洛反頷魚白反乃結

計反郎疏曰敢有至蒙士正義曰此皆湯所制治官

二舞也歌也淫風四貨也色也遊也畋也與亂風四為十

愆也舞及遊畋得有時為之而不可常然故三事特言恒

也歌則可矣不可樂酒而歌故以酣配之巫以歌舞事神

故歌舞為巫覡之風俗也貨色人所貪欲宜其以義自節

而不可專心殉求故言殉于貨色心殉貨色常為遊畋是

謂淫過之風俗也侮慢聖人之言拒逆忠直之諫疎遠耆

年有德親比頑愚幼童愛惡憎善國必荒亂故為荒亂之

風俗也此三風十愆雖惡有大小但有一於身皆喪國亡

家故各從其類相配為風俗臣下不匡其刑墨言臣無貴

賤皆當匡正君也具訓于蒙士者謂湯制官刑非直教訓

邦君卿大夫等使之受諫亦備具教訓下士使受諫也○  
傳常舞至無政正義曰酣歌常舞並為耽樂無度荒淫廢  
德俱是敗亂政事其為愆過不其異也恒舞酣歌乃為愆  
耳若不恒舞不酣歌非為過也樂酒曰酣言耽酒以自樂  
也說文亦云酣樂酒也楚語云民之精爽不雋貳者則明  
神降之在男曰覲在女曰巫又周禮有男巫女巫巫之官皆  
掌接神故事鬼神曰巫也廢棄德義專為歌舞似巫事鬼  
神然言其無政也○傳殉求至風俗正義曰殉者心循  
其事是貪求之意故為求也志在得之不顧禮義昧求謂  
貪昧以求之無逸云于遊于畋是遊與畋別故為遊戲與  
畋獵為之無度是淫過之風俗也○傳狎侮至風俗正  
義曰侮謂輕慢狎謂慣忽故傳以狎配侮而言之旅焚云  
德盛不狎侮是狎侮意相類也○傳邦君至匡正正義  
曰言十愆有一則亡國喪家邦君卿士慮其喪亡之故則  
宜以爭臣自匡正犯顏而諫臣之所難故設不諫之刑以  
勵臣下故言臣不正君則服墨刑墨刑五刑之輕者謂鑿  
其頤涅以墨司刑所謂墨罪五百者也蒙謂蒙稚卑小之  
稱故蒙士例謂下士也顧氏亦以為蒙謂蒙闇之士例字

伊訓

宜從下讀言此等

嗚呼嗣王祗厥身念哉

言當敬身

念祖

聖謨洋洋嘉言孔彰

洋洋美善言甚明可

疏

聖謨至孔彰正義曰此歎聖人之謨洋洋美善者謂上湯作官刑所言三風十愆令受下之諫是善言

甚明可

惟上帝不常作善降之百祥作不

善降之百殃

祥善也天之禍福惟善惡所在不常在一

爾惟德罔

小萬邦惟慶

修德無小則天下

爾惟不德罔

大墜厥宗

苟為不德無大言惡有類以類相

疏

至厥宗

正義曰又戒王爾惟修德而為善德無小德雖

小猶萬邦賴慶況大善乎爾惟不德而為惡惡無大惡雖

小猶墜失其宗廟況大惡乎傳苟為至之訓正義曰

爾惟德謂修德以善也爾惟不德謂不修德為惡也易繫



辭曰善不積不足以成名惡不積不足以滅身乃謂大善始為福大惡乃成禍此訓作勸誘之辭言為善無小小善萬邦猶慶況大善乎而為惡無大言小惡猶墜厥宗況大惡乎此經二事辭反而意同也傳言惡有類者解小惡墜宗之意初為小惡小惡有族類以類相致至於大惡若致於大惡必墜失宗廟言至於大惡乃墜非小惡即能墜也晉語云趙文子冠見韓獻子曰戒之此謂成人成人在始始與善善進不善蔑由至矣始與不善不善進善亦蔑由至矣言惡有類以類相致也今太甲初立恐其親近惡人以惡類相致禍害故以言戒之此是伊尹至忠之訓也

**肆命**

陳天命以戒太甲

**徂后**

陳往古明君以戒

**太甲上第五**

**商書**

**孔氏傳**

**孔穎達疏**

**太甲既立不明**

不用伊尹之訓不明居喪之禮

**伊尹放諸桐**

湯葬地也

**三年復歸于亳**

思庸

伊訓

**伊尹作太甲三篇疏**

太甲至三篇

正義曰太

禮伊尹放諸桐宮使之思過三年復歸於亳都以其能改前過思念常道故也自初立至放而復歸伊尹每進言以戒之史叙其事作太甲三篇案經上篇是放桐宮之事中下二篇是歸亳之事此序歷言其事以摠三篇也○傳不用至之禮正義曰此篇承伊訓之下經稱不惠于阿衡知不明者不用伊尹之訓也王徂桐宮始云居憂是未放已前不明居喪之禮也○傳湯葬至曰放正義曰經稱營于桐宮密邇先王知桐是湯葬地也舜放四凶徙之遠裔春秋放其大夫流之他境嫌此亦然故辨之云不知朝政故曰放使之遠離國都往居墓側與彼放逐事同故亦稱放也古者天子居喪三年政事聽於冢宰法常不知朝政而云不知朝政曰放者彼正法三年之內君雖不親政事冢宰猶尚諮稟此則**太甲**以名篇**疏**傳戒太甲全不知政故為放也

正義曰盤庚仲丁祖乙等皆是發言之人名篇此太甲及沃丁君顛以被告之人名篇史官不同故以為各有異



且伊訓肆命祖后與此三篇及咸有一德皆是伊尹  
成太甲不可同名伊訓故隨事立稱以太甲名篇也

嗣王不惠于阿衡阿倚衡平言不順伊疏至阿

衡正義曰太甲以元年十二月即位比至放桐之時未

知凡經幾月必是伊尹數諫久而不順方始放之蓋以三

五月矣必是二年放之序言三年復歸者謂即位三年非

在桐宮三年也史錄其伊尹訓王有伊訓肆命祖后其餘

忠規切諫固應多矣太甲終不從之故言不惠于阿衡史

為作書發端故言此為目也○傳阿倚至之訓正義曰

古人所讀阿倚同音故阿為倚也稱上謂之衡故衡為平

也詩毛傳云阿衡伊尹也鄭玄亦云阿倚衡平也伊尹湯

倚而取平故伊尹作書曰先王顧諟天之

明命以承上下神祇顧謂常目在之諫是也言

顧音故諟音是說疏傳顧謂至天地正義曰說文云

文理也孤巨支反疏顧還視也諫與是古今之字異故

太甲上

變文為是也言先王每有所行必還迴視是天之明命謂

常目在之言其想象如目前終常敬奉天命以承上天下

地之神祇社稷宗廟罔不祗肅肅嚴也言能嚴敬

于萬祇也天監厥德用集大命撫綏萬方監視

反視湯德集王命於其身惟尹躬克左右厥辟宅

撫安天下○監工暫反惟尹躬克左右厥辟宅

師伊尹言能助其君居業天下疏惟尹躬正義曰

之眾○辟必亦反徐甫亦反疏孫武兵書及呂氏

春秋皆云伊尹名摯則尹非名也今自稱尹者蓋湯得之

使尹正天下故號曰伊尹人既呼之為尹故亦以尹自稱

禮法君稱臣名不稱名者古人肆嗣王不承基緒

質直不可以後代之禮約之肆嗣王不承基緒

肆故也言先祖勤德致有天下故子孫得大惟尹躬

承基業宜念祖修德○不普悲反徐甫眉反惟尹躬

先見于西邑夏自周有終相亦惟終周忠信

也言身

先見夏君臣用忠信有終夏都其後嗣王罔克有

終相亦罔終言桀君臣滅先人之道德不能嗣王

戒哉祗爾厥辟辟不辟忝厥祖慎之以不終為戒

王惟庸罔念聞言太甲守常不改無念聞

伊尹乃言曰先王昧爽不顯坐以待旦

旁求俊彥啓迪爽顯皆明也言先王昧明思大明

後人旁非一方美士曰彥開道後人言無越厥命

以自覆越墜失也無失亡祖命而不勤德以自顛慎

乃儉德惟懷永圖言當以儉為德若虞機張

太甲上

往省括于度則釋機弩牙也虞度也度機機有度

率乃祖攸行止謂行所安止君惟朕以懌萬世

有辭言能循汝祖所行則我喜悅疏伊尹至有辭

書以告太甲不念聞之伊尹乃又言曰先王以昧爽之時

勤於政又乃旁求俊彥之人置之於位令以開導後人先

王之念子孫其憂勤若是嗣王今承其後無得墜失其先

祖之命以自覆敗王當慎汝儉約之德令其以儉為德而

可準度之機已張之又當以意往省視矢括當於所度則

發命也當以意夙夜思之使當於民心明旦行之則無不



我以此喜悅王于萬世當有善辭言有聲譽亦見歎美無窮也。傳爽顯至行之。正義曰昭七年左傳云是以有精爽至於神明從爽以至於明是爽謂未大明也昧是晦冥爽是未明謂夜向晨也釋詁云不大也顯光也光亦明也於夜昧冥之時思欲大明其德既思得之坐以待旦而行之言先王身之勤也。傳旁非至訓戒。正義曰旁謂四方求之故言非一方也美士曰彥釋訓文舍人曰國有美士為人所言道也。傳機弩至則中。正義曰括謂矢末機張省括則是以射喻也機是轉關故為弩牙虞訓度也度機者機有法度以準望所射之物準望則解經虞也如射者弩以張訖機關先省矢括與所射之物三者於法度相當乃後釋弦發矢則射必中矣言為政亦如是也

**王未克變**

尹至忠所以不以訓太甲性輕脫伊尹至忠所以不以訓太甲性輕脫伊

**疏**

傳未

太甲上

不已。正義曰未能變者據在後能變故當時為未能也時既未變是不用伊尹之訓也太甲終為人主非是全不可移但體性輕脫與物推遷雖有心向善而為之不固伊尹至忠所以進言不已是伊尹知其可移故誨之不止與

其終從己也

**伊尹曰茲乃不義習與性成**

言習行不義將成其

性。義本亦作誼

**予弗狎于弗順營于桐宮密邇先**

**王其訓無俾世迷**

狎近也經營桐墓立宮今太甲居之近先王則訓於義無成其

過不使世人迷惑怪之。○

**疏**

伊尹至世迷正義曰伊尹以王未

變乃告於朝廷羣臣曰此嗣王所行乃是不義為性也我不得令

王近於不順之事當營於桐墓立宮使比近先王當受人

教訓之無得成其過失使後世人迷惑怪之。○傳狎近至

怪之。正義曰狎習是相近之義故訓為近也不順即是

**徂桐宮居憂**

往入桐宮居憂位

**疏**

傳往入至憂位正義曰亦既不知朝政之事



推行居喪之禮居憂位謂服治喪禮也伊尹亦克終允

德

言能思念其祖終其信德

太甲中第六 商書 孔氏傳 孔穎達疏

惟三祀十有二月朔

湯以元年十一月崩至此二月十六月三年服闋

反伊尹以冕服奉嗣王歸于亳

冕冠也踰月即吉服

音疏

惟三至于亳

正義曰周制君薨之年屬前君明免年始為新君之元年此殷法君薨之年而新君即位即以其年為新君之元年惟三祀者太甲即位之三年也湯以元年十一月崩至此年十一月為再替除喪服也

至十二月服闋闋息也如喪服息即吉服舉事貴初始故於十二月朔以冕服奉嗣王歸于亳冕是在首之服冠內之別名冠是首服之大名故傳以冕為冠案王制云殷人哯而祭大雅云常服黼哯哯是殷之祭冠今云冕者蓋冕

太甲上

太甲中

為通名王制又云有虞氏皇而祭夏后氏收而祭殷人哯而祭周人冕而祭並是當代別名殷禮不知天子幾冕周禮天子六冕大裘之冕祭天尚質弁師惟掌五冕備物盡文惟衮冕耳此以冕服蓋以衮冕之服也顧氏云祥禫之制前儒不同案士虞禮云替而小祥又替而大祥中月而禫王肅云祥月之內又禫祭服彌寬而變彌數也禮記檀弓云祥而縞是月禫徙月樂王肅云是祥之月而禫禫之明月可以樂矣案此孔傳云二十六月服闋則與王肅同鄭玄以中月為間一月云祥後復更有一月作書曰民而禫則三年之喪凡二十七月與孔為異

非后罔克胥匡以生

無能相匡故須君以生

胥息餘反后非民

罔以辟四方

須民以君四方

望天眷佑有商俾嗣王

克終厥德實萬世無疆之休

言王能終其德乃天之顧佑商

家是商家萬世無窮之美

王拜手稽首曰予小子不

明于德自底不類

君而稽首於臣謝前過類善也闇於德故自致不善。底之履反

欲敗度縱敗禮以速戾于厥躬

速召也言已放縱情欲毀敗禮

儀法度以召罪於其身。○敗必邁反徐甫邁反。縱子用反。○即計反。

**疏**

正義曰釋言云速

徵也徵召也轉以相訓故速為召也欲者本之於情縱者放之於外有欲而縱之縱欲為一也準法謂之度體見謂

之禮禮度一也故傳并釋之言已放縱情欲毀敗禮儀法度以召罪於其身也

**天作孽猶可**

**違自作孽不可追**

孽災也追逃也言天災可避自作孽不可逃。○孽魚列反。追胡亂

**反疏**

傳孽災至可逃。正義曰洪範五行傳有妖孽言祥漢書五行志說云凡草物之類謂之妖妖猶夭

胎言尚微也蟲豕之類謂之孽孽則牙孽矣甚則異物生謂之眚眚自外來謂之祥是孽為災初生之名故為災也追逃也釋言文煥光云行相避逃謂之追亦行不相逢也天作災者謂若太戊桑穀生朝高宗雖雉升鼎耳可修德以

太甲中

穰之是可避也自作災者謂若桀放鳴條紂死宣室是不可逃也據其將來修德可去及其已至改亦無益天災自作逃否亦同且天災亦由人行而至非是橫加**既往背**

**師保之訓弗克于厥初尚賴匡救之德圖**

**惟厥終**

言已已往之前不能修德於其初今庶幾賴教訓之德謀終於善悔過之辭。○背音佩徐扶代

**反伊尹拜手稽首**

拜手首至手

**疏**

正義曰周禮太祝

辨九拜一曰稽首二曰頓首三曰空首鄭玄云稽首拜頭至地也頓首拜頭叩地也空首拜頭至手所謂拜手也鄭惟解此三者拜之形容所以為異也稽首頭至地頭下至地也頓首頭下至地暫一叩之而已此言拜手稽首者初為拜頭至手乃復申頭以至于地至手是為拜手至地乃為稽首然則凡為稽首者皆先為拜手乃後為稽首故拜手稽首連言之諸言拜手稽首義皆同也太祝又云四曰振動五曰吉拜六曰凶拜七曰奇拜八曰褒拜九曰肅拜



鄭注云振動者戰栗變動而拜吉拜者拜而後稽顙謂齊衰不杖以下者之拜凶拜者稽顙而後拜即三年喪拜也奇拜者謂君若答臣一拜也喪拜者謂再拜拜神與尸也肅拜者謂揖拜也禮介者不拜及婦人之拜也左傳云天子在寡君無所稽顙則諸侯於天子稽顙也諸侯相於則頓首也君於臣則空首也

曰修厥身

允德協于下惟明后

言修其身使信德合於羣下惟乃明君

先王

子惠困窮民服厥命罔有不悅

言湯子受困窮之人使皆

得其所故民心服其教令無有不忻喜

並其有邦厥鄰乃曰徯我

后后來無罰

湯俱與鄰並有國鄰國人乃曰待我君來言折戴君來無罰言仁惠○漢胡啓

反疏

並其至無罰正義曰言湯昔為諸侯之時與湯並居其有邦國謂諸侯之國也此諸侯國人其與

湯鄰近者皆願以湯為君乃言曰待我后

王懋乃德

太甲中

視乃厥祖無時豫怠

言當勉修其德法視其祖而行之無為是逸豫怠惰

○懋音茂

奉先思孝接下思恭

以念祖德為孝以不驕慢為恭

視

遠惟明聽德惟聰

言當以明視遠以聰聽德

疏

傳言當至聽德正義曰

人之心識所知在於聞見聞見所得在於耳目故欲言人之聰明以視聽為主視若不見故言惟明明謂監察是非也聽若不聞故言惟聰聰謂識知善惡也視戒見近迷遠故言視遠聽戒背正從邪故言聽德各準其事相配為文

朕承王之休無斁

王所行如此則我承王之美無厭○斁音亦厭於豔反

太甲下第七

商書

孔氏傳

孔穎達疏

伊尹申誥于王曰嗚呼惟天無親克敬惟

親

言天於人無有親疏惟親能敬身者

疏

伊尹申誥于王正義曰伊尹以至忠之心喜王改悔重



告於王冀王大善一篇皆誥辭也天親克敬民歸有仁神  
享克誠言天民與神皆歸于善也奉天宜其敬謹養民宜  
用仁恩事神當以誠信亦隼事相配而為文也  
民罔常懷懷于有仁民所歸無  
常以仁  
政為常  
鬼神無常享享于克誠言鬼神不保一人能誠信者則  
祀其  
天位艱哉言居天子之位難以此三者德惟治否德亂  
為政以德則治不以德則亂治直吏反及下同與治同道罔不興與亂  
同事罔不亡言安危在所任治亂在所法疏傳言安至所法正義曰任賢則興  
任佞則亡故安危在所任於善則治於惡則亂故治亂在所  
所法摠言治國則稱道單指所行則言事興難而亡易道  
大而事小故大言興而小言亡也此所云惟言治亂在所  
法耳下句云終始慎厥與言當與賢不與佞治亂在於用  
臣故傳於此言終始慎厥與與言當與賢不與佞治亂在於用  
安危在所任也終始慎厥與與惟明明后明慎其與治亂之機  
太甲下

則為明  
王明君  
疏惟明明后正義曰重言明明言其為大明耳傳因文重故言明王明君王猶是一也  
先王惟時懋敬厥德克配上帝言湯惟是終始所與之難勉修其德能配天而行之今王嗣有令緒尚監茲哉令善也繼祖善  
業當夙夜庶幾視祖此配天之德而法之若升高必自下若陟遐必  
自邇言善政有漸如登高升遠必用下近為始然後終致高遠無輕民事惟  
難無輕為力役之事必重難之乃可無安厥位惟危言當常自危懼以保  
其慎終于始於始慮終疏慎終于始正義曰欲慎其終於始即須慎之  
故傳云於始慮終傳以將終戒慎故又云於終思始言終始皆當慎也  
有言逆于汝心必求諸道其意勿拒逆之○拂扶弗反有言遜

于汝志必求諸非道遜順也言順汝心必以非道察之勿以自臧嗚

呼弗慮胡獲弗為胡成一人元良萬邦以

貞胡何貞正也言常念慮道德則得道德念為善政則成善政一人天子天子有大善則天下得其正疏

傳胡何至其正正義曰胡之與何方言之異耳易象象皆以貞為正也伊尹此言勸王為善弗慮弗為必是善事人君善事惟

有道德政教言不慮何獲是念慮有所得知心所念慮是道德也不為何成則為之有所成則知心所念是為善政也謂天子

為一人者其義有二則天子自稱一人是為謙辭言已是人中之耳一則臣下謂天子為一人是為尊稱言天下惟一人而已君

罔以辯亂舊政利曰覆國家故特慎焉臣罔以寵利居成

功成功不退其志無限故為之極以安之疏傳成功至安之正義曰四時之序成功者退臣既成功不知退謝其志貪欲

太甲下

無限其君不甚所求或有怨恨之心君懼其謀必生誅殺之計自古以來人臣有功不退者皆喪家滅族者眾矣經

其永孚于休言君臣各以其道則國長信保於美

咸有一德第八 商書 孔氏傳 孔穎達疏

伊尹作咸有一德言君臣皆有純一之德以戒太甲疏伊尹作

德 正義曰太甲既歸於亳伊尹致仕而退恐太甲德不純一故作此篇以戒之經稱尹躬及湯有一德言已君臣皆有一德者欲令太甲亦任一德之臣經云任官惟賢材左

右惟其人是戒太甲使善用臣也伊尹既放太甲又迎而復之是伊尹有純一之德已為太甲所信是已君臣純一

欲令太甲法之咸有一德即政之後恐其不一故以戒之疏咸有一德正義曰此篇

終始皆言一德之事發首至陳戒于德叙其作戒之由已下皆戒辭也德者得也內得於心行得其理既得其理執



之必固不為邪見更致差貳是之謂一德也而凡庸之主  
監不周物志既少決性復多疑與智者謀之與愚者敗之  
則是二三其德不為一也經云德惟一動罔不吉德二三  
動罔不凶是不二三則為一德也又曰終始惟一時乃日  
新言守一必須固也太甲新始即政

**辟**

還政太甲

**將告歸乃陳戒于德**

告老歸邑陳德以戒

**疏**

伊尹至于德正義曰自太甲居桐而伊尹秉政太甲既  
歸于亳伊尹還政其君將欲告老歸其私邑乃陳言戒王  
於德以一德戒王也太甲既得復歸伊尹即應還政其告  
歸陳戒未知在何年也下云今嗣王新服厥命則是初始  
即政蓋太甲居亳之後即告老也君奭云在太甲時則有  
若保衡保衡伊尹也襄二十一年左傳云伊尹放太甲而  
相之卒無怨色則伊尹又相太甲蓋伊尹此時將欲告歸  
太甲又留之為相如成王之留周公不得歸也傳告老  
至以戒正義曰伊尹湯之上相位為三公必封為國君  
又受邑于畿內告老致政事於君欲歸私邑以自安將離

咸有一德

王朝故陳戒以德也無逸云肆祖甲之享國三十三年傳  
稱祖甲即太甲也殷本紀云太甲崩子沃丁立沃丁序云  
沃丁既葬伊尹于亳則伊尹卒在沃丁之世湯為諸侯之  
時已得伊尹比至沃丁始卒伊尹壽年百有餘歲此告歸  
之時已應七十五左右也殷本紀云太甲既立三年伊尹放  
之於桐宮居桐宮三年悔過反善伊尹乃迎而受之政謂  
太甲歸亳之歲已為即位六年與此經相違馬遷之說妄  
也紀年云殷仲壬即位居亳其卿士伊尹仲任崩伊尹乃  
放太甲於桐而自立也伊尹即位於太甲七年太甲潛出  
自桐殺伊尹乃立其子伊陟伊奮命復其父之田宅而中  
分之案此經序伊尹奉太甲歸于亳其文甚明左傳又稱  
伊尹放太甲而相之孟子云有伊尹之志則可無伊尹之  
志則篡伊尹不肯自立太甲不殺伊尹也必若伊尹放君  
自立太甲起而殺之則伊尹死有餘罪義當汗宮滅族太  
甲何所感德而復立其子還其田宅乎紀年之書晉太康  
八年汲郡民發魏安僖王塚得之蓋當時流俗有此妄說  
故其書因

**曰嗚呼天難諶命靡常**

以其無常故難言○諶徐



市林  
反  
常厥德保厥位厥德匪常九有以亡

人能常其德則安其位九有諸  
侯桀不能常其德湯伐而兼之

**疏**

九有以亡正義曰

也此傳云九有諸侯謂九州所有之諸侯伊尹此言汎說

大理未指夏桀但傳顧下文此桀為此言之驗故云桀不

能常其德湯伐而兼之  
夏王弗克庸德慢神虐民言桀不能

常其德不敬神明不恤下民  
皇天弗保監于萬方啟迪有命

言天不安桀所為廣視  
萬方有天命者開道之  
眷求一德俾作神王天求一德

使伐桀為天  
惟尹躬暨湯咸有一德克享天

地神祇之主  
心受天明命

享當也所征無敵謂之受天命  
**疏**傳享當至天命正義曰德當神意

神乃享之故以享為當也天道遠而人道近天之命人非

有言辭文誥正以神明祐之使之所征無敵謂之受天命

咸有一德

也緯候之書乃稱有黃龍玄龜白魚赤雀負圖銜書以授

聖人正典無其事也漢自哀平之間緯候始起假託鬼神

妄稱祥瑞孔時未有其說縱  
使時已有之亦非孔所信也

以有九有之師爰肇

夏正  
爰於也於得九有之眾  
非天私我有商惟

天佑于一德  
非天私商而王之佑助一德所以王  
非

商求于下民惟民歸于一德  
民自歸於一德

德惟一動罔不吉德二三動罔不凶  
言不

一惟吉凶不僭在人惟天降災祥在德  
善行

招故言在德在德謂為德有一與不一在人謂人行有善與不善也吉凶已在其身故不言來處災祥自外而至故言天降其實吉

凶亦天降也

今嗣王新服厥命惟新厥德

其命王命新終始惟一時乃日新言德行終始不其德戒勿怠終始惟一時乃日新

之義○行下孟反衰殺色界反任官惟賢材左右衰微也殺害也言小小害也

惟其人官賢才而任之非賢材不可任臣為上為

德為下為民言臣奉上布德順下訓民不可官所私任非其人○為上于偽反下為民同為

德上如字下為下同徐皆于偽反其難其慎惟和惟一其難無以事君政乃善○易以政反

其慎無以輕之羣臣當和一心疏今嗣王至惟一

指戒嗣王今新始服其王命惟當新其所行之德所云新者終始所行惟常如一無有衰殺之時是乃日新也王既

咸有一德

身行一德臣亦當然任人為官惟用其賢材輔弼左右惟

當用其忠良之人乃可為左右耳此任官左右即王之臣

也臣之為用所施多矣何者言臣之助為在上當施為道

德身為臣下當須助為於民也臣之既當為君又須為民

故不可任非其才用非其人此臣之所職其事甚難無得

以為異其事須慎無得輕忽為臣之難如此惟當眾臣和

順惟當共秉一心以此事君然後政乃善耳言君臣宜皆

有一德○傳其命至勿怠正義曰說命云王言惟作命

成十八年左傳云人之求君使出命也是言人君職在發命新服厥命新始服行王命故云其命王命也新其德者勤行其事日益新戒王勿懈怠也○傳言德至之義止義曰日新者日益新也若今日勤而明日惰昨日是有今日非自旁觀之則有新有舊言王德行終始皆同不至其人正義曰任官謂任人以官故云官賢才而任之言官用賢才而委任之詩序云任賢使能非賢才不可任也也罔命云小大之臣咸懷忠良故言選左右必忠良不忠良即是非其人任官是用人為官左右亦是任而用之故



言選左右也直言其人字不見故據四命之文以忠良充之。傳言臣至其人正義曰言臣奉上布德者奉上謂奉為在上解經為上也布德者謂布為道德解經為德也順下訓民者順下謂卑順以為臣下解經為下也訓民者謂以善道訓助下民解經為民也顧氏亦同此解。傳其難至乃善正義曰此經申上臣事既所為如此其難無以為易其慎無以輕忽之戒臣無得輕易臣之職也既事不可輕宜和協奉上群臣當一心以事君如此政乃善耳一心即一德言德無常師主善為師德非臣亦當一德也以善為主乃可師善無常主協于克一一言以合於能俾萬姓咸曰大哉王言一德之言故曰大又曰一哉王心則能一心克綏先王之祿永底丞民之生言為王而令萬姓如此則能保安先王之寵祿長致眾民所以自生之道是明王之事。○丞之承反嗚呼咸有一德

七世之廟可以觀德  
萬夫之長可以觀政

天子立七廟有德之王則為祖宗其廟不毀故可觀德  
能整齊萬夫其政可知。長丁丈反  
**疏**  
嗚呼至觀

政正義曰此又觀王修德以立後世之名禮王者祖有功宗有德雖七世之外其廟不毀嗚呼七世之廟其外則猶有不毀者可以觀知其有明德也立德在於為政萬夫之長能使其整齊可以觀知其善政也萬夫之長尚爾況天子乎勸王使為善政也。傳天子至觀德正義曰天子立七廟是其常事其有德之王則列為祖宗雖七廟親盡而其廟不毀故於七廟之外可以觀德矣下云萬夫之長可以觀政謂觀其萬夫之長此七世之廟可以觀德謂觀七世之外文雖同而義小異耳所謂辭不害意漢氏以來論七廟者多矣其文見於記傳者禮器家語荀卿書穀梁傳皆曰天子立七廟以爲天子常法不辨其廟之名王制云天子七廟三昭三穆與太祖之廟而七祭法云王立七廟曰考廟曰王考廟曰皇考廟曰顯考廟曰祖考廟皆月祭之遠廟為祧有二祧享嘗乃止漢書韋玄成議曰周



罔使民非后罔事

君以使民自尊民以事君自生

無自廣以

庶子初基為王亦得與嫡子同正立四廟也

后非民

之所以七廟者后稷始封文王武王受命而王是以三廟不毀與親廟四而七也鄭玄用此為說惟周有七廟二祧為文王武王廟也故鄭玄王制注云此周制七者太祖及文王武王二祧與親廟四太祖后稷也殷則六廟契及湯與二昭二穆夏則五廟無太祖禹與二昭二穆而已良由不見古文故為此謬說此篇乃是商書已云七世之廟則天子立七廟王者常禮非獨周人始有七廟也文武則為祖宗不在昭穆之數王制之文不得云三昭三穆也劉歆馬融王肅雖則不見古文皆以七廟為天子常禮所言二祧者王肅以為高祖之父及祖也并高祖已下共為三昭三穆耳喪服小記云王者禘其祖之所自出以其祖配之而立四廟庶子王亦如之所以不同者王肅等以為受命之王是初基之王故立四廟庶子王者謂庶子之後自外繼立雖承正統之後自更別立已之高祖已下之廟猶若漢宣帝別立戾太子悼皇考廟之類也或可

狹人匹夫匹婦不獲自盡民主罔與成厥

功

上有狹人之心則下無所自盡矣言先盡其心然後乃能盡其力人君所以成功○狹戶夾反盡徐子忍

反注

疏

無自至厥功正義曰既言君民相須又戒王

人勿自以所知為大謂彼所知為小若謂彼狹小必待之輕薄彼知遇薄則意不自盡匹夫匹婦不得自盡其意則在下不肯親上在上不得下情

如是則人主無與成其功也

沃丁既葬伊尹于

亳

亳

沃丁太甲子伊尹既致仕老終以

咎單遂訓伊

尹事

訓暢其所行功德之事

作沃丁

此篇以戒也云

疏

沃丁

沃丁正義曰沃丁殷王名也沃丁既葬伊尹言重其賢德備禮而葬之咎單以沃丁愛慕伊尹遂訓暢伊尹之事以告沃丁史錄其事作沃丁之篇傳沃丁至禮葬正義曰世本本紀皆云太甲崩子沃丁立是為太甲子也伊

尹本是三公上篇言其告歸知致仕老終以三公禮葬皇甫謐云沃丁八年伊尹卒卒年百有餘歲大霧三日沃丁葬之以天子葬禮祀以太牢親臨喪以報大德晉文請隧襄王不許沃丁不當以天子之禮葬伊尹也孔言三公禮葬未必有文要

### 伊陟相太戊

伊陟伊尹子太戊沃丁弟之子○陟張力反相

息亮反太戊馬云太甲子

亳有祥桑穀共生于朝

祥妖怪二木合生七

日大拱不恭之罰○桑蘇臧反穀工木反楮也朝直遙反

伊陟贊于巫咸作咸

### 又四篇

贊告也巫咸臣名皆云○巫咸馬云

疏

伊陟至四

篇正義曰伊陟輔相太戊於亳都之內有不善之祥桑穀二木共生于朝朝非生木之類是為不善之微伊陟以此桑穀之事告于巫咸使錄其事作咸又四篇又訓治也言所以致妖須治之故名篇為咸又也伊陟不先告太戊而告巫咸者君顛云在大戊時則有若巫咸又王家則咸是賢臣能治王事大臣見怪而懼先其議論而後以告君

下篇序云太戊贊子伊陟明先告於巫咸而後告太戊○傳伊陟至之子正義曰伊陟伊尹子相傳為然殷本紀

云沃丁崩弟太庚立崩子小甲立崩弟雍己立崩弟太戊立是太戊為小甲弟太庚之子○傳祥妖至之罰正義

曰漢書五行志云凡草物之類謂之妖自外來謂之祥祥是惡事先見之微故為妖怪也二木合生謂共處生也七

日大拱伏生書傳有其文或當別出餘書則孔用之也鄭玄注書傳云兩手搯之曰拱生七日而見其大蒲兩手也

殷本紀云一幕大拱言一夜即蒲拱所聞不同故說異也五行傳曰貌之不恭是謂不肅時則有青青之祥漢書五

行志夏侯始昌劉向筭說云肅敬也內曰恭外曰敬人君行已體貌不恭怠慢驕蹇則不能敬木色青故有青青之

祥是言木之變怪是貌不恭之罰人君貌不恭天將罰之木怪見其微也皇甫謐云太戊問於伊陟伊陟曰臣聞妖

不勝德帝之政事有闕白帝修德太戊退而占之曰桑穀野木而不合生於朝意者朝亡乎太戊懼修先王之政明

養老之禮三年而遠方重譯而至七十六國是言妖不勝德也○傳贊告至臣名正義曰禮有贊者皆以言告人



故贊為告也。君顓傳曰：「巫氏也。」當以巫為氏名。咸此言臣名者，言是臣之名號也。鄭玄云：「巫咸謂之巫官者，案君顓咸子又稱賢父子並為大臣。」必大戊贊于伊陟，以告改過。作伊陟原命。原臣名原命伊陟三篇皆云。疏。太戊至原命正義曰：言太戊贊於伊陟，推告伊陟不告原也。史錄其事而作伊陟原命二篇，則太戊告伊陟亦告原俱以桑穀事告，故序撙以為文也。原是臣名而云原命，謂以言命原故以原命名篇，猶如罔命畢命也。仲丁遷于囂。太戊子去毫，囂地名。疏。仲丁遷于囂，正義曰：此三篇皆謂之居遷于囂，與居相亦事同也。以河亶甲三字句長，不言于其實，亦是居于相也。圮于耿者，孔意以為毀于相地，乃遷于耿地。其篇蓋言毀意，故序特言圮也。李顓云：「囂在陳留，俊義縣皇甫謐云：仲丁自毫徙囂，在河北也。」或曰：「今河南敖倉二說未知孰是也。」相地孔云：「在河北，蓋有文而知咸有一德。」

也。謚又以耿在河東皮氏縣耿鄉是也。○傳太戊至地名，正義曰：此及下傳言仲丁是太戊之子，河亶甲仲丁弟也。祖乙，河亶甲子，皆世本文也。仲丁是太戊之子，作仲太戊之時，仍云毫有祥，知仲丁遷于囂去毫也。丁。陳遷都之義云。河亶甲居相。仲丁弟相地名在河北，亶丁但反，相息亮反。祖乙圮于耿。亶甲子圮于相，遷於耿，河水所毀曰圮。○圮，備美反。疏。傳亶甲至曰圮，正義曰：反徐扶鄰反，馬云毀也。疏。孔以河亶甲居相，祖乙即亶甲之子，故以為圮於相地，乃遷都于耿。釋詁云：圮，毀也。故云河、水所毀曰圮。據文，圮于耿也。知非圮毀于耿，更遷餘處，必云圮於相地，遷於耿者，明與其上文連，上云遷于蹕，謂遷來向蹕，居於相，謂居於相地，故知圮于耿，謂遷來于耿，以文相類，故孔為此解。謂古人之言，雖尚要約，皆使言足其文，令人曉解。若圮於相，遷居於耿，經言圮於耿，太不辭乎？且亶甲居於相，祖乙居耿，今為水所毀，更遷他處，故言毀于耿耳。非既毀乃遷耿也。盤庚云：「不常厥邑，于今



五邦及其數之推有毫蹠相耿四處而已知此既毀於耿  
更遷一處盤庚又自彼處而遷於殷耳殷本紀云祖乙  
於邢馬遷所為說耳鄭玄云祖乙又去相居耿而國為水  
所毀於是修德以禦之不復徙也錄此篇者善其國圯毀  
改政而不徙如鄭所言稍為文便但上有仲丁亶甲下有  
盤庚皆為遷事作書述其遷意此若毀而不遷序當改丈  
見義不應文類遷居更以不遷為義漢家古文云盤庚自  
奄遷于殷者蓋祖乙圯於耿遷於奄盤庚自奄遷於殷毫  
蹠相耿與此奄五邦者此作祖乙云  
蓋不經之書未可依信也

## 附釋音尚書註疏卷第八

咸有一德

## 附釋音尚書註疏卷第九

盤庚上第九 商書 孔氏傳 孔穎達疏

盤庚五遷將治亳 躬自湯至盤庚凡五遷都  
盤庚治亳躬○盤本又

作般步干反  
治直吏反民咨胥怨胥相也民不欲徙乃咨嗟憂  
愁相與怨上○胥徐思餘反

然約  
萬反作盤庚三篇疏盤庚至作盤庚三篇正義  
曰商自成湯以來屢遷都邑

仲丁河亶甲祖乙皆有言誥歷載於篇盤庚最在其後故序  
摠之自湯至盤庚凡五遷都今盤庚將欲遷居而治於亳

之躬治民皆戀其故居不欲移徙咨嗟憂愁相與怨上盤  
庚以言辭誥之史叙其事作盤庚三篇○傳自湯至亳躬

正義曰經言不常厥邑于今五邦故序言盤庚五遷傳  
嫌一身五遷故辨之云自湯至盤庚凡五遷都也上文言

自契至于成湯八遷并數湯為八此言盤庚五遷又并數  
湯為五湯一人再數故班固云躬人屢遷前八後五其實

正十二也此序云盤庚將治亳那下傳云那亳之別名則亳那即是一都湯遷還從先王居也汲冢古文云盤庚自奄遷于那那在鄴南三十里束皙云尚書序盤庚五遷將治亳那舊說以爲居亳亳那在河南孔子壁中尚書云將始宅那那是與古文不同也漢書項羽傳云洹水南那墟上今安陽西有那束皙以那在河北與亳異也然孔子壁內之書安國先得其本此將治亳那不可作將始宅那亳字摩滅容或爲宅壁內之書安國先得始皆作亂其字與治不類無緣誤作始字知束皙不見壁內之書妄爲說耳若洹水南有那墟或當餘王居之非盤庚也盤庚治於亳那紂滅在於朝歌則盤庚以後遷於河北蓋盤庚後王有從河南亳地遷於洹水之南後又遷于朝歌○傳胥相至怨上也正義曰釋詁云胥皆也相亦是皆義故通訓胥爲相也民不欲徙乃咨嗟憂愁相與怨上經云民不適有居是怨上之事也仲丁祖乙亦是遷都序無民怨之言此獨有怨者盤庚祖乙之曾孫也祖乙遷都於此至今多歷年出民居已久戀舊情深前王三徙詔令則行曉喻之易故無此言此則民怨之深故序獨有此事彼各一篇而此獨三

篇者謂民怨上故勸誘之難也民不欲遷而盤庚必遷者鄭玄云祖乙居耿後奢侈踰禮土地迫近山川嘗圯焉至陽甲立盤庚爲之臣乃謀徙居湯舊都又序注云民居耿久奢侈成俗故不樂徙王肅云自祖乙五世至盤庚元兄陽甲宮室奢侈下民邑居墊隘水泉瀉鹵不可以行政化故徙都於那皇甫謐云耿在河北迫近山川自祖辛已來民皆奢侈故盤庚遷於那此三者之說皆言奢侈鄭玄旣言君奢又言民奢王肅專謂君奢皇甫謐專謂民奢言君奢者以天子宮室奢侈侵奪下民言民奢者以豪民室宇過度逼迫貧乏皆爲細民弱勢無所容居欲遷都改制以寬之富民戀舊故違上意不欲遷也案檢孔傳無奢侈之語惟下篇云今我民用蕩析離居罔有定極傳云水泉沈溺故蕩析離居無安定之極徙以爲之極孔意蓋以地勢洿下又久居水變水泉瀉鹵不可行化故欲遷都不必爲奢侈也此以君名名篇必是爲君時事而鄭玄以爲上篇是盤庚爲臣時事何得專輒盤庚名也馬云祖乙曾孫祖丁之子不言盤謬妄也

庚誥何非但錄其誥也取其徒而立功故以盤庚名篇**疏**盤庚正義曰此三篇皆以民不樂遷開解民  
意告以不遷之害遷都之善也中上二篇未遷時事下篇既遷後事上篇人皆怨上初啓民心故其辭尤切中篇民已少悟故其辭稍緩下篇民既從遷故辭復益緩哀十一年左傳引此篇云盤庚之誥則此篇皆誥辭也題篇不曰盤庚誥者王肅云取其徙而立功故但以盤庚名篇然仲丁祖乙河亶甲等皆以王名篇則是史意異耳未必見他義○傳殷質以名篇正義曰周書謚法成王時作故桓六年左傳云周人以諱事神那時質未諱君名故以王名篇也上仲丁祖乙亦是王名於此始作傳者以上篇經云此經稱盤庚故就此解之史記殷本紀云盤庚崩弟小辛立殷復衰百姓思盤庚乃作盤庚三篇與此序違非也鄭玄云盤庚湯十世孫祖乙之曾孫以五遷繼湯篇次祖乙故繼之于上累之祖乙為湯玄孫七世也又加祖乙復其祖父通盤庚故十世本紀云祖乙崩子祖辛立崩子開甲立崩弟祖丁立崩開甲之子南庚立崩祖丁子陽甲立崩弟盤庚立是祖乙生祖辛祖辛生祖丁祖丁生盤庚故為

曾孫盤庚遷于般

毫之別名

民不適有居

適之也不欲之般有邑居

率籲衆慼出矢言

籲和也率衆憂之人出正直之言○籲音喻慼千歷反

曰

我王來既爰宅于茲

我王祖乙圮耿爰於此也言祖乙已居於此

重我

民無盡劉

劉殺也所以遷此重我民無欲盡殺故○盡子忍反

不能胥匡

以生卜稽曰其如台

言民不能相匡以生則當卜考於龜以徙曰其如我所行

○稽工考反台音怡

先王有服恪謹天命茲猶不常寧

先王

有所服行敬謹天命如此尚不

不常厥邑于今五邦

湯遷亳仲丁遷囂河亶甲居相祖乙居耿我往居亳凡五徙國都○馬云五邦謂商立亳囂相耿也

今不

承于古罔知天之斷命

今不承古而徙是無知天將斷絕汝命○斷又音短



矧曰其克從先王之烈

天將絕命尚無知之況能從先王之業乎。○從才容

反若顛木之有由藥

言今往遷都更求昌盛如顛木之有藥哉。○藥五

達反本又作拊馬云顛木而肆生曰拊。○音赴又步北反

天其永我命于茲新

邑

言天其長我命於此新邑不可不徙

紹復先王之大業底綏四

方

言我徙欲如此

○底之履反

疏

盤庚至四方正義曰盤庚欲遷於亳之殷地其民不欲適彼

殷地別有邑居莫不憂愁相與怨上盤庚率領和諧其衆憂之人出正直之言以曉告曰我先王初居此者從舊都來於是宅於此地所以遷於此者為重我民無欲盡殺故先王以父居墊隘不遷則死見下民不能相匡正以生故謀而來徙以徙為善未敢專決又考卜於龜以徙既獲吉兆乃曰其如我所行欲徙之吉先王成湯以來凡有所服行敬順天命如此尚不常安可徙則徙不常其邑於今五邦矣今若不承於古徙以避害則是無知天將斷絕汝命

盤庚上

尚不能知況曰其能從先王之基業乎今我往遷都更求昌盛若顛木之有藥哉人衰更求盛猶木死生藥哉我今遷向新都上天其必長我殷之王命於此新邑繼復先王之大業致行其道以安四方之人我徙欲如此耳汝等何以不願徙乎前云若不徙以避害則天將絕汝命謂絕臣民之命明亦絕我殷王之命復云若遷往新都天其長我殷之王命明亦長臣民之命互文也。○傳亳之別夕正義曰此序先亳後殷亳是大名殷是亳內之別名鄭云云商家自徙此而號曰殷鄭以此前未有殷名也中篇云殷降大虐將遷於殷先王其號名知於此號為殷也雖兼號為殷而商名不改或稱商或稱殷又有兼稱殷商商頌云商邑翼翼捷彼殷武是單稱之也又大雅云殷商之旅咨汝殷商是兼稱之也亳是殷地大名故殷社謂之亳社其亳鄭玄以為偃師皇甫謐以為梁國穀熟縣或云濟陰亳縣說既不同未知誰是。○傳適之至邑居正義曰釋詁云適之往也俱訓為往故適得為之不欲往彼殷也別有新邑居也。○傳顛和至之言正義曰顛即裕也是寬意故為和也憂則不和感訓憂也故率和眾憂之人出

正直之言詩云其直如矢故以矢言為正直之言。傳我王至於此。正義曰孔以祖乙圮於相地遷都於耿今盤庚自耿遷于那以我王為祖乙此謂耿也。傳劉殺至殺故。正義曰劉殺釋詁文水泉鹹鹵不可行化王化不行殺民之道先王所以去彼遷此者重我民無欲盡殺故也。傳言民至所行。正義曰不徙所以不能相匡以生者謂水泉沈溺人民困若不能從教相匡正以生又考卜於龜以徙周禮太卜大遷則貞龜是遷必卜也。傳先王至輒遷。正義曰下云于今五邦自湯以來數之則此言先王摠謂成湯至祖乙也先王有所服行謂行有典法言能敬順天命即是有所服行也盤庚言先王敬順天命如此尚不常安有可遷輒遷况我不能敬順天命不遷民必死矣故不可不遷也。傳湯遷至國都。正義曰孔以盤庚意在必遷故通數我往居亳為五邦鄭王皆云湯自商徙亳數商亳器相耿為五計湯既遷亳始建王業此言先王遷都不得遠數居亳之前充此數也。傳言今至蔡哉。正義曰釋詁云拊餘也李巡曰拊搗木之餘也郭璞云晉衛之間曰拊是言木死顛仆其根更生蔡哉此都毀壞若

盤庚上

枯死之木若棄去毀壞之邑更得昌盛猶顛仆枯死之木用生藥哉盤庚敷于民由

乃在位以常舊服正法度

敷教也教人使用汝

正其法度。○敷尸教反下如字。度如字。

曰無或敢伏小人之攸箴

無言

有敢伏絕小人者。○箴規上者戒朝臣。○箴之林反馬云。○諫也。○朝直遙反。

疏

盤庚至攸箴正義曰前

既略言遷意今復並戒臣民盤庚先教於民云汝等當用汝在位之命用舊常故事正其法度欲令民徙從其臣言也民從上命即是常事法度也又戒臣曰汝等無有敢伏絕小人之所欲箴規上者。○傳敷教至朝臣。正義曰文王世子云小樂正敷于大胥贊之籥師敷戈籥師承贊之彼並是教舞干戈知敷為教也小民等患水泉沈溺欲箴規上而徙汝臣下勿抑塞伏絕之鄭玄云奢侈之俗下民咸苦之欲言於王今將屬民而詢焉故勅以無伏之王命衆悉至于庭。○疏。傳衆群臣以下。正義曰周禮小司寇掌外朝

命衆悉至于庭

衆群臣以下

疏

傳衆群臣以下正義曰周禮小司寇掌外朝



之政以致萬民而詢焉一曰詢國危二曰詢國遷三曰詢  
立君是國將大遷必詢及於萬民故知衆悉至王庭是群  
臣以下謂及下民也民不欲徙由臣  
不助王勸民故以下多是責臣之辭王若曰格汝衆

予告汝訓

告汝以法教

汝猷黜乃心無傲從康

謀退

汝違上之心無傲慢從心所安。傲五報反

古我先王亦惟圖任舊人

共政

先王謀任久老成人共治其政。任而鳩反

疏

傳先王正義曰此篇所言先王其文無

指斥者皆謂成湯已來諸賢王也下言神后高后者指謂湯耳下篇言古我先王適于山者乃謂遷都之王仲丁祖乙之等也此言先王謂先世賢王此既言先王下王播

告之脩不匿厥指

王布告人以所脩之政不匿其指。播波餓反匿女力反

疏

傳王而至其指正義曰上句言先王用舊人共政下云王播告之脩當謂告臣耳傳言布告人者以下云民用不

盤庚上

變是必告臣

王用丕欽罔有逸言民用丕變

王用

亦又告民大敬其政教無有逸豫之言民用大變從化

今汝聒聒起信險膚予弗

知乃所訟

聒聒無知之貌起信險為膚受之言我不知汝所訟言何謂。聒故活反馬及說文皆云

拒善自用

疏

傳聒聒至何謂正義曰鄭玄云聒讀如聒耳之聒聒聒難告之貌王肅云聒聒善自用

之意也此傳以聒聒為無知之貌以聒聒是多言亂人之意也起信險膚者言發起所行專信此險為膚受淺近之言信此浮言妄有爭訟我不知汝所訟言何謂言無理也非予自荒茲德惟汝

含德不惕予一人予若觀火

我之欲徙非廢此德汝不從我命所

含惡德但不畏懼我耳我視汝情如視火。惕他歷反

疏

非予至觀火正義曰言先王敬其教民用大

變我命教汝汝不肯徙非我自廢此不欽之德惟汝之所含德甚惡不畏懼我一人故耳汝含藏此意謂我不知我



見汝情若觀火言見

之分明如視火也

子亦拙謀作乃逸

我拙謀成汝過

○**疏**

傳逸過至汝過

正義曰逸過釋言

無違上之過也我不威脅汝徙乃是我亦拙

網有條而不紊若農服田力穡乃亦有秋

也穡耕稼也下之順上當如網在綱各有條理而不

亂也農勤穡則有秋下承上則有福

傳紊亂至有福

于婚友不乃敢大言汝有積德

德於民至于婚姻僚友則我

大乃敢言汝有積德之臣

乃不畏戎毒于遠邇

盤庚上

懃農自安不昏作勞不服田畝越其罔有忝

穰

所有○**疏**馬司本或作啓音敏爾雅昏啓皆訓

之強也書曰不昏作勞引此解彼是亦讀此為昏也鄭玄

讀昏為愍訓為勉也與孔不同傳云言不欲徙則是不畏

大毒於遠近其意言不徙則有毒毒為禍患也遠近謂賒

徙言害至有早晚也不強於作勞則黍稷無所獲以喻不

遷於新邑則福祿無所有也此經懃農弗昏無忝稷對上

服田力穡乃亦有秋

自生毒

獨云百姓則知百姓是百官也百姓既是百官和吉言者

使之樂遷也不和百官必將遇禍是公卿自生毒害乃敗禍茲究以自災于

厥身

言汝不相率共徙是為敗禍茲究以自災之道。○

乃既先惡于民

乃奉其恫汝悔身何及

羣臣不欲徙是先惡於民恫痛也不徙則禍毒在汝

身徙奉持所痛而悔之則於身無所及。○

疏

傳羣臣至

義曰羣臣是民之師長當倡民為善羣臣亦不欲徙是乃先惡於民也恫痛釋言文

相時儉民

猶胥顧于箴言其發有逸口矧予制乃短長

之命

言儉利小民尚相顧於箴誨恐其發動有過口之患况我制汝死生之命而汝不相教從我是不若

小民。○相時上息亮反馬云視也徐息羊反險

汝曷弗

告朕而胥動以浮言恐沈于衆

曷何也責其不以情告上而相

盤庚上

恐動以浮言不徙恐汝沈溺於衆有禍害。○

若火之燎于原不可

嚮邇其猶可撲滅

火災不可嚮邇近尚可撲滅浮言不可信用尚可刑戮絕之。○

力召反又力鳥反又力紹反嚮

則惟汝衆自作弗

靖非予有咎

我刑戮汝非我咎也靖謀

疏

相時至

正義曰又責大臣不相教遷徙是不如小民我視彼儉利小民猶尚相顧於箴規之言恐其發舉有過口之患故以言相規患之小者尚知畏避況我為天子制汝短長之命威恩甚大汝不相教從我乃是汝不如小民汝若不欲徙何以不情告我而輒相恐動以浮華之言乃語民云國不可徙我恐汝自取沈溺於衆人而身被刑戮之禍害此浮言流行若似火之燎於原野災熾不可嚮邇其猶可撲滅以喻浮言不可止息尚可刑戮使絕也若以刑戮加汝則是汝衆自為非謀所致此耳非我有咎過也。○傳曷至禍害正義曰曷何同音故曷為何也顧氏云汝以浮



言恐動不徙更是無益我恐汝自取沈溺於衆人不免禍害也。傳我刑至所致。正義曰我刑戮汝汝自招之非我咎也。靖謀釋詁文告民不徙者非善謀也。由此而被刑戮是汝自爲非謀所致也。遲任有言

曰人惟求舊器非求舊惟新

遲任古賢言人貴舊器貴新汝不能

是不貴舊。遲直疑反徐持夷反。任而今反馬云古老成人

古我先王暨乃祖乃

父胥及逸勤予敢動用非罰

言古之君臣相與同勞逸子孫所宜法之

我豈敢動用非

世選爾勞予不掩爾善

選數也言我世

常之罰脅汝乎世選爾勞予不掩爾善

言我世

于先王爾祖其從與享之

古者天子錄功臣配食於廟大享烝嘗也所以

不掩汝善。與音預。之丞反

作福作災予亦不敢動用非德

盤庚上

善自作福惡自作災我不敢動用非罰

疏

遲任至非德正義曰可

加汝非德賞汝乎從汝善惡而報之

正義曰可

遷即遷是先王舊法古之賢人遲任有言曰人惟求舊器非求舊惟新言人貴舊器貴新汝不欲徙是不貴舊反遲

任也古者我之先王及汝祖汝父相與同逸豫同勤勞汝爲人子孫宜法父祖當與我同其勞逸我豈敢動用非常

之罰脅汝乎自先王以至於我我世數汝功勞我不掩蔽汝善是我忠於汝也以此故我大享祭於先王汝祖其從

我先王與在宗廟而散享之是我不掩汝善也沒有善自作福汝有惡自作災我亦不敢動用非德之賞妄賞汝各

從汝善惡而報之耳其意告臣言從上必有賞違我必有罰也。傳遲任至貴舊正義曰其人既沒其言立於後

世知是古賢人也鄭玄云古之賢史王肅云古老成人皆謂賢也。傳選數至於汝正義曰釋詁云算數也舍人

曰釋數之曰算選即算也故訓爲數經言世世數汝功勞是從先王至已常行此事故云是我忠於汝也言已之忠責臣之不忠也。傳古者至汝善正義曰周禮大宗伯祭祀之名天神曰祀地祇曰祭人鬼曰享此大享於先王



謂天子祭宗廟也傳解天子祭廟得有臣祖與享之意言古者天子錄功臣配食於廟故臣之先祖得與享之也古者孔氏據已而道前世也此殷時已然矣大享丞嘗者丞嘗是秋冬祭名謂之大享者以事各有對若丞嘗對禘禘則禘禘為大丞嘗為小若四時自相對則丞嘗為大約祠為小以秋冬物成可薦者衆故丞嘗為大春夏物未成可薦者少故祠祠為小也知丞嘗有功臣與祭者案周禮司勳云凡有功者銘書於王之太常祭於大丞司勳詔之是也嘗是丞之類而傳以嘗配之魯頌曰秋而載嘗是也祭統云內祭則大嘗禘是也外祭則郊社是也然彼以禘為大嘗知此不以丞嘗時為禘禘而直據時祭者以殷祫於三時非獨丞嘗也秋冬之祭尚及功臣則禘禘可知惟春夏不可耳以物未成故也近代已來惟禘禘乃祭功臣配食時祭不及之也近代已來功臣配食各配所事之君若所事之君其廟已毀時祭不祭毀廟其君尚不時祭其臣固當止矣禘禘則毀廟之主亦在焉其時功臣亦當在也王制云禘祫祫禘祫嘗禘丞諸侯約植禘一植一祫嘗祫丞祫此王制之文夏殷之制天子春惟時祭其夏秋冬

盤庚上

既為祫又為時祭諸侯亦春為時祭夏惟作祫不作祭秋冬先作時祭而後祫周則春曰祠夏曰約三年一祫在秋五年一祫在夏故公羊傳云五年再殷祭禮緯云三年一祫五年一祫此是鄭氏之義未知孔意如何

# 告汝于難若射之有志

告汝行事之難當如射之有所準志必中所志

乃善○射食夜反疏予告至有志正義曰既言作福

善我告汝於行事之難猶如射之有所準志志之所主欲得中也必中所志乃為善耳以喻人將有行豫思念之行得其道為善耳其意言遷都是善道當念從我言也○傳告汝至乃善正義曰此傳惟順經文不言喻意鄭玄云我告汝於我心至難矣夫射者張弓屬矢而志在所射必中然後發之為政之道亦如是也以已心度之可施於彼然

# 汝無侮老成人無弱孤有幼

言是侮老成人

不徒則孤幼受疏傳不用至易之正義曰老謂見其害是弱易之

謂其未有所識鄭云老弱皆輕忽之意也老成人之言云可徒不用其言是侮老之也不徒則水泉鹹鹵孤幼受害卑弱輕易之也

各長于厥居勉出乃力聽予

一人之作猷盤庚勅臣下各思長於其居勉盡心出力聽從遷徙之謀○長丁文反**疏**

傳盤庚至之謀正義曰於時羣臣難毀其居宅惟見目前之利不思長久之計其臣非一共為此心盤庚勅臣下各思長久於其居處勉強盡心出力**無有遠邇用罪**

伐厥死用德彰厥善

言遠近待之如一罪以懲之使勿犯伐去其死道德以明

之使勸慕競為

**疏**

無有至厥善 正義曰此即遷徙之善○去起呂反 謀也言我至新都撫養在下無有遠

之與近必當待之如一用刑殺之罪伐去其死道用照察之德彰明其行善有過罪以懲之使民不犯非法死刑不用是伐去其死道伐若伐樹然言止而不復行用也有善者人主以照察之德加賞祿以明之使競慕為善是彰其

盤庚

善也此二句相對上言用罪伐厥死下宜言用賞彰厥生不然者上言用刑下言賞善死是刑之重者舉重故言死有善乃可賞故言彰厥善行賞是德故以德言

惟汝眾

有善則眾臣之功

邦之不臧惟予一人

有佚罰

佚失也是已失政之罰 罰罪已之義○佚音逸

凡爾眾其惟致

告

致我誠 告汝眾

自今至于後日各恭爾事齊乃位

度乃口

奉其職事正齊其位以法度居汝 口勿浮言○度徐如字亦作度

**疏**

度乃口 正義

曰度法度也故傳言 以法度居汝口也

罰及爾身弗可悔

不從我謀 罰及汝身

雖悔可 及乎

盤庚中第十

商書

孔氏傳

孔穎達疏



盤庚作惟涉河以民遷

為此南渡河乃話民之

弗率誕告用亶其有衆

話善言民不循教發善言大告用誠於衆○話胡快

反馬云告也言也誕徐音但亶丁但反馬本作單音同誠也

咸造勿褻在王庭

造至也衆皆至王庭無褻慢○造七報反注同馬在早反云爲也褻息列反

盤庚乃登進

厥民

升進命使前

䟽

盤庚至厥民

正義曰盤庚於時見

法欲用民徙乃出善言以告曉民之不循教者大爲教告用誠心於其所有之衆人於時衆人皆至無有褻慢之人盡在於王庭盤庚乃升進其民延之使前而衆告之史叙其事以爲盤庚發誥之目○傳爲此至民徙正義曰鄭玄云作渡河之具王肅云爲此思南渡河之事此傳言南渡河之法皆謂造舟舡渡河之具是濟水先後之次思其事而爲之法也○傳話善至於衆正義曰釋詁云話言也孫炎曰話善人之言也王苦民不從教必發善言告之

盤庚中

故以話爲善言鄭玄詩箋亦云話善言也

曰明聽朕言無荒失朕命

荒廢

嗚呼古我前后罔不惟民之承

言我先世賢君無不承安民而

恤保后胥感鮮以不浮于天時

民亦安君之政相與憂行君令

浮行也少以不行於天時者言皆行天時○鮮息淺反

䟽

傳民亦至天時正義曰以君承安民而憂之

故民亦安君之政相與憂行君令必行責時群臣不憂行君令也舟舡浮水而行故以浮爲行也行天時也順時布政若月令

殷降大虐先王不懷

我殷家於天降大災則先王不思故

居而

䟽

傳我殷至行徙

正義曰遷都者止爲邑居墊

爲思言殷家於天降大災則先王不思故居而行徙者以天時人事終是相將邑居不可行化必將天降之災上云不能相匡以生罔知天

厥攸作視民利用遷

其所爲視



民有利則用徙汝曷弗念我古后之文古君先王之聞謂遷事○曷何未反

同承汝俾汝惟喜康共非汝有咎比于罰法先

王惟民之承故承汝使汝徙惟與汝共喜安非謂汝有惡徙汝令比近於殃罰○俾必爾反咎其九反比毗志反徐

扶志反注及下同共群用疏承汝至于罰正義曰先

法先王故承安汝使汝徙惟勸喜安樂皆與汝共之非謂汝有咎惡而徙汝令比近於殃罰予若籲

懷茲新邑亦惟汝故以丕從厥志言我順和懷此新邑欲利

汝衆故大從其志而徙之○籲羊代反疏予若至厥志正義曰盤庚言

新邑者非直為我王家亦惟利汝衆故為此大從我本志而遷徙不有疑也今予將試以

汝遷安定厥邦試用汝不憂朕心之攸困所困不順

盤庚中

命上乃咸大不宣乃心欽念以忱動予一人皆汝

大不布腹心敬念以誠感動我是汝不盡忠○忱市林反爾惟自鞠自苦自窮也言

汝為臣不忠自取窮苦○鞠居六反若乘舟汝弗濟臭厥載言不徙之

害如舟在水中流不渡臭敗其所載疏臭厥載正義曰臭是氣之別

物○臭徐尺售反載如字又在代反疏曰臭是氣之別名古者香氣穢氣皆名為臭易云其臭如蘭謂香氣為臭也下丈

也晉語云惠公改葬申生臭徹於外謂穢氣為臭也爾忱

覆述此意云無起穢以自臭則此臭謂穢氣也肉爾忱

敗則臭故以臭為敗舡不渡水則敗其所載物也爾忱

不屬惟胥以沈不其或稽自怒曷瘳汝忠誠不屬逮古苟

不欲徙相與沈溺不考之先王禍至自怒何瘳差乎○屬音燭注同馬云獨也沈直林反瘳勑留反疏爾

之言不其有考驗於先王遷徙之事汝既不  
考於古及其禍至乃自忿怒何所瘳差也

汝不謀長

以思乃災汝誕勸憂

汝不謀長久之計思汝不徙之災苟不欲徙是大勸憂之

道

疏

汝誕勸憂正義曰凡人以善自勸則善事多若以憂自勸則憂來衆今不徙則憂來衆是自勸勵

以憂愁

今其有今罔後汝何生在上

言不徙無後計汝何

得久生在人

疏

今其至在上正義曰顧氏云責群臣上禍將及汝

久長之計患禍將至汝

今予命汝一無起穢以自

臭

我一心命汝汝違我是

疏

今予至自臭正義曰自臭敗穢於廢反

也汝當從我無得起為穢惡以自臭也

恐人倚乃身迂乃

心

言汝既不欲徙又為他人所誤倚曲迂僻

疏

至乃

盤庚中

心正義曰言汝心既不欲徙旁人或更誤汝我又恐他

人倚曲汝身迂僻汝心使汝益不用徙也○傳言汝至迂

僻正義曰人心不能自決則好用非理之謀言汝既不

欲遷徙又為他人所誤盤庚疑其被誤故言此也以物倚

物者必曲故倚為曲也迂是

予迂續乃命于天子

迴也迴行必僻故迂為僻也

豈汝威用奉畜汝衆

養汝衆○迂五駕反畜

迂迎也言我徙欲迎續汝命于天豈以威脅汝乎用奉畜

許竹反下同

疏

傳迂迎至汝衆正義曰迂

欲遷以延命天意向汝我欲迎之天斷汝命我欲續之我

今徙者欲迎續汝命於天豈以威脅汝乎遷都惟用奉養

民耳

予念我先神后之勞爾先予丕克羞

爾用懷爾然言我亦法湯大能進勞汝以義懷汝心

如字

疏

予念至爾然正義曰我念我先世神后之君

注同

成湯愛勞汝之先人故我大能進用汝與汝爵



位用以道義懷安汝心耳然汝乃違我命是汝反先人也  
 傳言我至先人 正義曰易稱神者妙萬物而為言也  
 殷之先世神明之君惟有湯耳故知神后謂湯也下高后  
 先与此神后一也神者言其通聖高者言其德尊此神  
 后言先於高后略而不言先其下直言先后又略而不言  
 先其下直言先后又略而不言高從上省文也勞爾先謂  
 愛之也勞者勤也閔其勤勞而慰勞之勞亦愛之義故論  
 語云愛人能物勞乎是勞為愛也追言湯勞汝先則此所  
 責之臣其祖於成湯之世已在朝廷 失于政陳于茲  
 世仕王朝而不用已命故責之深也  
**高后丕乃崇降罪疾曰曷虐朕民** 崇重也今  
 既失政而  
 陳久於此而不徙湯必大重下罪疾於我曰何  
 為虐我民而不徙乎。重直勇反又直恭反 **汝萬民**  
**乃不生生暨予一人猷同心** 不進進謀  
**降與汝罪疾曰曷不暨朕幼孫有比** 言非但罪  
 我亦將罪

汝幼孫盤庚 故有爽德自上其罰汝汝罔能迪  
 自謂比同心 湯有明德在天見汝情下  
 罰汝汝無能道言無辭 **疏** 失于至能迪 正義曰盤  
 汝欲懼之使從已也我所以必須徙者我今失於政教陳  
 久於此民將有害高德之君成湯必忿我不徙大乃重下  
 罪疾於我曰何為殘虐我民而不徙乎我既欲徙而汝與  
 萬民乃不進進與我一人謀計同心則我先君成湯大下  
 與汝罪疾曰何故不與我幼孫盤庚有相親比同心徙乎  
 汝不與我同心故湯有明德從上見汝之情其下罪罰於  
 汝汝實有罪無所能道言無辭以自解說也。傳崇重至  
 徙乎 正義曰崇重釋詁文又云塵久也孫炎曰陳居之  
 父久則生塵矣古者塵陳同也故陳為父之義。傳不進  
 至心徙 正義曰物之生長則必漸進故以生生為進進王  
 肅亦然進進是同心願樂之意也此實責群臣而言汝萬  
 民者民心亦然因博及之。傳湯有至無辭 正義曰訓  
 爽為明言其見下故稱明德詩稱三 **古我先后既勞**  
 后在天死者精神在天故言下見汝



乃祖乃父

勞之共治人

汝共作我畜民汝有戕則在

乃心

戕殘也汝共我治民有殘人之心而不欲徙是反父祖之行○我在良反又七良反行下孟反

先后綏乃祖乃父乃祖乃父乃斷棄汝不救

乃死

言我先王安汝父祖之忠今汝不忠汝父祖必斷絕棄汝命不救汝死○斷丁綏反

至乃死

正義曰又責群臣古我先君成湯既愛勞汝祖汝父與之共治民矣汝今共為我養民之官是我於汝與

先君同也而汝有殘虐民之心非我令汝如此則在汝心自為此惡是汝反祖父之行雖汝祖父亦不祐汝我先君

安汝祖汝父之忠汝祖父忠於先君必忿汝違我乃斷絕棄汝命不救汝死言汝違我命故汝祖父亦忿見湯罪

汝不救汝死也○傳勞之共治人正義曰下句責臣之身云汝共作我畜民明先后勞其祖父是勞之共治民也

○傳戕殘至之行正義曰春秋宣十八年邾人戕鄆子左傳云凡自虐其君曰戕自外曰戕戕為殘害之義故為

盤庚中

亂政同位具乃貝玉

亂治也此我有治政之臣同位於父祖不念盡忠但念貝

玉而已言其貪○治直吏反○盡子忍反

乃祖先父丕乃告我高后曰

作丕刑于朕孫

言汝父祖見汝貪而不忠必大乃告湯曰作大刑於我子孫求討不忠之

罪○告工號反我高后本又作乃祖乃父

迪高后丕乃崇降弗祥

言汝開道湯大重下不善以罰汝陳忠孝之義以督之

疏茲予至弗祥正義曰又責臣云汝祖父非徒不救

汝死乃更請與汝罪於此我有治政之臣同位於其父祖其位與父祖同心與祖父異不念忠誠但念具汝貝玉而

已言其貪而不忠也汝先祖先父以汝如此大乃告我高后曰為大刑於我子孫以此言開道我高后故我高后大

乃下不善之殃以罰汝成湯與汝祖父皆欲罪汝汝何以  
 不從我徙乎。傳亂治至其貪。正義曰亂治釋詁文舍  
 人曰亂義之治也孫炎曰亂治之理也大臣理國之政此  
 者所責之人故言於此我有治政之臣言其同位於父祖  
 責其位同而心異也貝者水蟲古人取其甲以為貨如今  
 之用錢然漢書食貨志具有其事貝是行用之貨也貝王  
 是物之最貴者責其貪財故舉二物以言之當時之臣不  
 念盡忠於君但念具貝王而已言其貪也。傳言汝至之  
 罪。正義曰上句言成湯罪此諸臣其祖父不救子孫之  
 死此句言臣之祖父請成湯討其子孫以不從王故責之  
 益深先祖請討非盤庚所知原神之意而為之辭以懼其  
 子孫耳。傳汝言至督之。正義曰訓迪為道言汝父祖  
 開道湯也不從君為不忠違父祖為不孝父祖開  
 道湯下罰欲使從君順祖陳忠孝之義以督勵之。嗚呼  
 今予告汝不易。凡所言皆不易之事。求敬大恤無  
 胥絕遠。長敬我言大憂行之無相與絕遠。汝分猷念  
 棄廢之。遠于邁反又如字注同。

以相從各設中于乃心

群臣當分明相與謀念和以相從各設中正於汝心

○分扶問反又如字注同

乃有不吉不迪

不善不道為凶人

顛越不恭

暫遇茲尤

顛隕越墜也不恭不奉上命暫遇人而劫奪之為茲於外為尤於內。暫才淡反隕

干敏反

我乃剝殄滅之無遺育無俾易種于茲

新邑

剝割育長也言不吉之人當剝絕滅之無遺長其類無使易種於此新邑。剝魚器反徐吾氣反

徒典反易如字又以政反注同長丁丈反下遺長同

往哉生生今予告將試以

汝遷永建乃家

自今已往進進於善我乃以汝徙長立汝家鄉大夫稱家

疏呼

至乃家正義曰盤庚以言事將畢欲戒使入之故嗚呼而歎之今我告汝皆不易之事言其難也事既不易當長敬我言大憂行之無相絕遠棄廢之必須存心奉行汝群臣臣分輩相與計謀念和協以相從各設中正于汝心勿



為殘害之事汝群臣若有不善不道墮墜禮法不恭上命暫逢過人即為姦宄而劫奪之我乃割絕滅之無有遺餘生長所以然者欲無使易其種類於此新邑故耳自今已往哉汝當進進於善今我將用以汝遷長立汝使汝在位傳諸子孫勿得違我言也。傳不易之事正義曰此易讀為難易之易不易言其難也王肅曰告汝以命之不易為難鄭玄云我所以告汝者不變易言必行之謂盤庚自道已言必不改易與孔異。傳顛隕至於內正義曰釋詁云隕落隕墜顛越也是從上倒下之言故以顛為隕越遺落為墜也左傳僖九年齊桓公云恐越於下丈十八年史克云弗敢失墜隕越遺落廢失之意故以隕墜不恭為不奉上命也暫遇人而劫奪之謂逢人即劫為之無已成十七年左傳曰亂在內為先在外曰姦是劫奪之事故以劫奪解其姦先也。傳割至新邑正義曰五刑截鼻為割故割為割也育長釋詁文不吉之人當割絕滅之無遺長其類謂早殺其人不使得子孫有此惡類也易種者即今俗語云相染易也惡種在善人之中則善人亦變易為惡故絕其類無使易種於此新邑也滅去惡種乃是

常法而言于此新邑言已若至新都當整齊使繁清傳自今至稱家正義曰長立汝家謂賜之以族使子孫不絕左傳所謂諸侯命氏是也王朝大夫天子亦命之氏故云立

盤庚下第十一 商書 孔氏傳 孔穎達疏

盤庚既遷奠厥攸居乃正厥位定其所居正郊廟朝社之位。

奠田薦反綏爰有衆曰無戲怠建大命安於衆

戒無戲怠今予其敷心腹腎腸歷告爾百姓于

朕志布心腹言輸誠於百官以告罔罪爾衆爾無

共怒協比讒言予一人群臣前有此過故禁其後

合比凶人而妄言。疏盤庚至一人正義曰盤庚既

比毗志反讒仕咸反遷至殷地定其國都處所乃正



其郊廟朝社之位又屬民而聚之安慰於其所有之衆曰  
汝等自今以後無得遊戲怠惰勉力立行教命今我其布  
心腹腎腸輸寫誠信歷徧告汝百姓於我心志者欲遷之  
日民臣共怒盤庚盤庚恐其怖懼故開解之今我無復罪  
汝衆人我既不罪汝汝無得如前共爲忿怒協比讒言毀  
惡我一人恕其前愆與之更始也。傳定其至之位。正義  
曰訓收爲所定其所居摠謂都城之內官府萬民之居  
處也鄭玄云徙主於民故先定其里宅所處次乃正宗廟  
朝廷之位如鄭之意真厥攸居者止謂定民之居豈先令  
民居使足待其餘剩之處然後建王宮乎若留地以擬王  
宮即是先定王居不得爲先定民矣孔惟言定其所居知  
是官民之居並定之也禮郊在國外左祖右社面朝後市  
正厥位謂正此郊廟朝社之位也。傳安於至大教。正  
義曰鄭玄云勉立我大命使心識教令常行之王肅云勉  
立大教建性命致之五福又案下句爾無共怒予一人是  
恐其不從已命此句宜言我有教命汝當勉力立之鄭說  
如孔旨也。傳布心至告志。正義曰此論心所欲言腹  
內之事耳以心爲五臟之主腹爲六腑之摠腸在腹內腎

盤庚下

在心下舉腎腸以配腹心詩曰公侯腹心宣十二年  
左傳云敢布腹心是腹心足以表內腎腸配言之也

古

我先王將多于前功

言以遷徙多大前人之功美

適于山用

降我凶德嘉績于朕邦

徙必依山之險無城郭之勞下去凶惡之德立善功

於我國。降工巷反  
徐下江反去羗呂反

今我民用蕩析離居罔有

定極

水泉沈溺故蕩析離居無安定之極徙以爲之極。折先歷反注同

疏

古我至定極

曰言古者我之先王將多大於前人之功是故徙都而適  
于山險之處用下去我凶惡之德立善功於我新國但徙  
來已久水泉沈溺今我在此之民用播蕩分析離其居宅  
無有安定之極我今徙而使之得其中也說其遷都之意  
亦欲多大前人之功定民極也。傳言以至功美。正義  
曰古我先王謂遷都者前人謂未遷者前人久居舊邑民  
不能相匡以生則是居無功矣盤庚言先王以此遷徙故  
多大前人之功美故我今遷亦欲多大前功矣。傳徙必至

我國正義曰先王至此五邦不能盡知其地所都皆近山故摠稱適于山也易坎卦彖云王公設險以守其國徙必依山之險欲使下民無城郭之勞雖則近山不可全無城郭言其防守易耳徙必近山則舊處新居皆有山矣而云適于山者言其徙必依山不適平地不謂舊處無山故徙就山也水泉鹹鹵民居墊隘時君不為之徙即是凶惡之德其徙者是下去凶惡之德立善功於我新遷之國也言下者凶德在身下而墜去之。傳水泉至之極正義曰民居積土穿掘處多則水泉盈溢令人沈深而陷溺其處不可安居播蕩分析離其居宅無安定之極極訓中也詩云立我烝民莫匪爾極言民賴后稷之功爾謂朕曷莫不得其中今為民失中故徙以為之中也

**震動萬民以遷**言皆不明已本心**肆上帝將復我高**

**祖之德亂越我家**以徙故天將復湯德治理於我家。治直吏反**朕及**

**篤敬恭承民命用永地于新邑**言我當與厚敬之臣奉承民命

盤庚下

用長居**肆予冲人非廢厥謀**由靈冲童童人新邑**各非敢違卜用宏茲**靈善也非廢謂動謀於衆至用其善。音的或如字

**賁**宏賁皆大也君臣用謀不敢違卜用大此遷都大業。賁扶云反**疏**爾謂至茲賁

我徙以為民立中汝等不明我心乃謂我何故震動萬民以為此遷我以此遷之故上天將復我高祖成湯之德治理於我家我當與厚敬之臣奉承民命用是長居於此新邑以此須遷之故我童蒙之人非敢廢其詢謀謀於衆人衆謀不同至用其善者言善謀者皆欲遷都也又決之於龜卜而得吉我與汝群臣各非敢違卜用是必遷光大此遷都之大業我徙本意如此耳。傳以徙至我家正義曰民害不徙違失湯德以徙之故天必祐我將使復奉湯德令得治理於我家言由徙故天福之也。傳冲童至其善正義曰冲童聲相近皆是幼小之名自稱童人言己幼小無知故為謙也弔至靈善皆釋詁文禮將有大事必謀於衆謀衆乃是常理故言非廢謂動謀於衆言己不自



專也衆謀必有異見故至極用其善者。傳宏賁至大業正義曰宏賁皆大也釋詁文樊光曰周禮云其聲大而宏詩云有賁其首是宏賁皆爲大之義也各者非一之辭故爲君臣用謀不敢違卜是既謀及於衆又決於衆龜也用大此遷都大謂立嘉績以大之也

伯師長百執事之人尚皆隱哉

國伯二伯及州牧也衆長公卿

也言當庶幾相隱括共爲善政。長丁丈反注同

予其懋簡相爾念敬我

衆

簡大相助也勉大助汝念敬我衆民。相息亮反

朕不肖好貨敢恭生

生鞠人謀人之保居叙欽

有任也我敢不任貪貨之人敢奉用進進於善者

人之窮困能謀安其居者則我式序而敬之。好呼報反任而林反

疏

嗚呼至叙欽正義曰言遷事已訖

故歎而勅之嗚呼國之長伯及衆官之長與百執事之人庶幾皆相與隱括共爲善政哉我其勉力大助汝等爲善

盤庚下

汝當思念受敬我之衆民我不任用好貨之人有人果敢奉用進進於善見窮困之人能謀此窮困之人安居者我乃次序而敬用之。傳國伯至善政正義曰邦伯邦國之伯諸侯師長故爲東西二伯及九州之牧也鄭玄注禮記云殷之州長曰伯虞夏及周皆曰牧此殷時而言牧者此乃鄭之所約孔意不然故摠稱牧也師訓爲衆衆長衆官之長故爲三公六卿也其百執事謂大夫以下諸有職事之官皆是也此摠勅衆臣故二伯已下及執事之人皆戒之也釋言云庶幾尚也反覆相訓故尚爲庶幾庶幸也幾異也隱謂隱審也幸與相與隱審檢括共爲善政欲其同心共爲善也隱括必是舊語不知本出何書何休公羊序云隱括使就繩墨焉。傳簡大至衆民正義曰簡大釋詁文又云相助慮也俱訓爲慮是相得爲助也盤庚欲使群臣同心爲善欲勉力大佐助之使皆念敬我衆民也。傳肩任至敬之正義曰釋詁云有勝也舍人曰有強之勝也強能勝重是堪任之義故爲任也我今不委任貪貨之人以恭爲奉人有向善而心不決志故美其人能果敢奉用進進於善者言其人好善不倦也鞠訓爲窮鞠人



謂窮困之人謀人之保居謂謀此窮人之安居若見人之窮困能謀安其居愛人而樂安存之者則我式序而敬之詩云式序在位言其用次序在官位也鄭王皆以鞠為養言能謀養人安其居者我則次序而敬之與孔不同今

我既羞告爾于朕志若否罔有弗欽已進告汝

之後順於汝心與否當以情告我無敢有不敬○告故報反無總于貨寶生生

自庸無總貨寶以求位當進進皆自用功德式敷民德永有一心

用布示民必以德義疏今我至一心正義曰今我既長任一心以事君進而告汝於我心志矣其我所

告順合於汝心以否當以情告我無得有不敬者汝等無得總於貨寶以求官位當進進自用功德不當用富也用

此布示於民必以德義長任一心以事君不得懷二意以遷都既定故殷勤以戒之

### 附釋音尚書註疏卷第九

盤庚下

### 附釋文尚書註疏卷第十

### 說命上第十二 商書 孔氏傳 孔穎達疏

高宗夢得說盤庚弟小乙子名武丁德高可尊故號高宗夢得說賢相其名曰說○說本又

作允音悅注及下篇使百工營求諸野得諸傳

巖使百官以所夢之形象經營求之於外野得之於傳巖之谿作說命三篇命

攝政疏高宗至三篇正義曰殷之賢王有高宗者夢得賢相其名曰說群臣之內既無其人使

遂命以為相史敘其事作說命三篇傳盤庚至曰說

正義曰世本云盤庚崩弟小辛立崩弟小乙立崩子武丁

立是武丁為盤庚弟小乙子也喪服四制云高宗者武丁武丁者殷之賢王也當此之時殷衰而復興禮廢而復起中而高之故謂之高宗是德高可尊故號高宗也經云爰

立作相王呼之曰說知其名曰說 傳使百至之谿 正義曰以工為官見其求者眾多故舉百官言之使百官以所夢之形象經營求於外野皇甫謐云使百工寫其形象則謂工為工巧之人與孔異也釋水云水注川曰谿李巡曰水出於山入於川曰谿然則谿是水流之處巖是山崖之名序稱得諸傳巖傳云得之於傳巖之谿以巖是總名故序言之耳 傳命說至攝政 正義曰經稱爰說命立作相是命為相也惟說命摠百官是使攝政也 說命始求得 疏 說命 正義曰此三篇上篇言夢說始求得而命之 疏 而命之中篇說既摠百官戒王為政下篇王欲師說而學說報王為學之有益王又厲說以伊尹之功相對以成章史分序以為三篇也 王宅憂 亮陰二祀 亮陰也居憂信默三年不言 疏 亮陰三祀 正義曰言王居父憂信任冢宰默而不言已三年矣三年不言自是常事史錄此句於首者謂既免喪事可以言而猶不言故述此以發端也 傳陰默至不言 正義曰陰者幽闇之義默亦闇義故為默也易稱君子之道或

默或語則默者不言之謂也無逸傳云乃有信 既免喪 默三年不言有此信默則信謂信任冢宰也

其惟弗言 除喪猶不言政 群臣咸諫于王曰嗚呼知之

曰明哲明哲實作則 知事則為明智明智則能 天 制作法則 哲本又作詰

子惟君萬邦百官承式 天下待令 王言惟作命 百官仰法

不言臣下罔攸臬令 亦命也 王庸作書以誥曰 稟受令

以台正于四方台恐德弗類茲故弗言 用臣下 怪之故

恭默思道夢帝賚 作誥類善也我正四方恐德不善 恭默思道夢帝賚 此故不言 誥故報反台音怡

予良弼其代予言 夢天與我輔弼良佐將代我 乃 言政教 賚力代反徐音來

審厥象俾以形旁求于天下 審所夢之人刻其形 象以四方旁求之於



民間。俾必爾反說築傳巖之野惟肖傳氏之巖在虞號之界通道所經有

間水壞道常使胥靡刑人築護此道說賢而隱代胥靡築之以供食肖似所夢之形。○肖音笑號寡白反壞音怪

恭供音疏傳傳氏至之形正義曰傳以傳為氏此巖以尸子云傳巖在北海之洲傳言虞號之界孔必有所案據

而言之也史記殷本紀云是時說為胥靡築於傳險晉灼漢書音義云胥相也靡隨也古者相隨坐輕刑之名言於

時築傳險則以杵築地傳說賢人必身不犯罪言其說為胥靡當是時代胥靡也傳云通道所經有澗水壞道常使

胥靡刑人築護此道說賢而隱代胥靡築之以供食或亦有成文也殷本紀又云武丁得說舉以為相遂以傳險姓

之號曰傳說鄭云得諸傳巖高宗因以傳命說為氏案序直言夢得說不言傳或如馬鄭之言如高宗始命為傳氏

不知舊何氏也皇甫謐云高宗夢天賜賢人胥靡之衣裳之而來曰云我徒也姓傳名說天下得我者豈徒也哉武

丁悟之推之曰傳者相也說者權說也天下當有傳我而

說命上

說民者哉明以夢視百官百官皆非也乃使百工寫其形象求諸天下果見築者胥靡衣褐帶索執役于虞號之間傳巖之野名說以其得之傳巖謂之傳說案謐言初夢即云姓傳名說又言得之傳巖謂之傳說其言自不相副謐惟見此書傳會為近世爰立作相王置諸其左右之語其言非實事也

於是禮命立以命之曰朝夕納誨以輔台德言為相使在左右

納諫誨直辭以輔我德。○朝張遙反若金用汝作礪鐵須礪以成利器。○礪力世反

若濟巨川用汝作舟楫渡大水待舟楫。○音接徐音集若歲大

旱用汝作霖雨霖三日雨。○疏傳霖三日雨正義曰隱九年左傳云凡

雨自三日已往為霖。○啓乃心沃朕心若藥弗瞑眩厥疾弗瘳

瘳開汝心以沃我心如服藥必瞑眩極其病乃除欲其出切言以自警。○瞑莫遍反眩玄遍反徐又呼縣反



瞋眩困極也（瘳）疏（啓乃至弗瘳）正義曰當開汝心所  
勅留反（警音景）其疾不得瘳愈言藥毒乃得除病言切乃得去惑也（傳）  
未知故也其沃我心須切至若服藥不使人瞋眩憤亂則  
開汝至自警（正義曰瞋眩者令人憤悶之意也方言云  
凡飲藥而毒東齊海岱間或謂之瞋或謂之眩郭璞云瞋  
眩亦通語也然則藥之攻病先使人瞋眩憤亂病乃得瘳  
傳言瞋眩極者言悶極藥乃行也楚語稱衛武公作懿以  
自警懿即大雅抑詩也切言（若）跣弗視地厥足用  
出於傳說據王以為自警也（傷）聽（跣必視地足乃無害言欲使為己視）惟暨乃僚  
罔不同心以匡乃辟（與汝並官皆當倡率無不同俾）  
率先王迪我高后以康兆民（言匡正汝君○辟必亦反）  
以安（鳴呼欽予時命其惟有終）敬我是命修說  
天下（說命上）

復王主曰惟木從繩則正后從諫則聖（言木）

直君以（后）克聖臣不命其承（君能受諫則臣不待）

諫明（疇）敢不祗若王之休命（言王如此誰敢不敬順）

說命中第十三 商書 孔氏傳 孔穎達疏

惟說命總百官（在冢宰之任）疏（惟說命總百官）

受王命總百官之職謂在冢宰之任也說以官高乃進

于王曰嗚呼明王奉若天道建邦設都（天有）

北斗五星二十八宿皆有尊卑相正之法（疏）傳天有至

言明王奉順此道以立國設都（宿音秀）疏（設都）正

義曰晉語云大者天地其次君臣易繫辭云天垂象見吉

凶聖人象之皆言人君法天以設官順天以致治也天有

日月照臨晝夜猶王官之伯率領諸侯也北斗環繞北極猶卿士之周衛天子也五星行於列宿猶州牧之省察諸侯也二十八宿布於四方猶諸侯為天子守土也天象皆有尊卑相正之法言明王奉順天道以立國設都也立國謂立王國及邦國設都謂設帝都樹后王君公承以

### 大夫師長

言立君臣上下將陳為治之本故先舉其始。王于方反長丁丈反治直吏反下同

### 疏

樹后至師長正義曰此又摠言設官分職之事也樹立也后王謂天子也君公謂諸侯也承者奉上之名后王君公人主也大夫師長人臣也臣當奉行君命故以承言之周禮立官多以師為名師者眾所法亦是長之義也大夫已下分職不同每官各有其長故以師長言之三公則君公之內包之鄉則大夫之文兼之師長之言亦通有將陳為治之本故先舉其始略言設官故

辭不詳備為治之本惟天聰明已下皆是也

### 豫惟以亂民

不使有位者逸豫民上言立之主使治民。豫羊慮反

### 惟天聰明

### 惟聖時憲惟臣欽若惟民從乂

憲法也言聖王法天以立教於下無

不聞見除其所惡納之於善雖復運有推移道有升降其所施為未嘗不法天也臣敬順而奉之奉即上文承也奉承君命而布之於民民以從上

### 惟口起羞惟甲冑起戎

甲冑冑兜鍪也言不可輕教令易用兵。冑直又反冑苦代反兜丁侯反冑莫侯反易以政反

### 在鷩惟于省自厥躬

言服不可加非其人兵不可任非其才。鷩息嗣反省息井反

### 一本疏

惟口至厥躬正義曰言王者法天施化其舉止不可不慎惟口出令不善以起羞辱惟甲冑伐

非其罪以起戎兵言不可輕教令易用兵也惟衣裳在篋笥不可加非其人觀其能足稱職然後賜之惟干戈在府庫不可任非其才省其身堪將帥然後授之上二句事相類下二句文不同者衣裳言在篋笥干戈不言所在干戈云省厥躬衣裳不言視其人令其互相足也傳甲冑至用兵正義曰經傳之無錯與兜鍪蓋秦漢已來始有此



名傳以今曉古也古之甲冑皆用犀兕未有用鐵者而鑿  
鑑之字皆從金蓋後世始用鐵耳口之出言為教令甲冑  
與師乃用之言不可輕教令易用兵也易亦輕也安危在  
出令令之不善則人為背之是起羞也靜亂在用兵伐之  
無罪則人叛違之是起戎也傳言服至其才正義曰  
非其人非其才義同而互文也周禮大宗伯以九儀之命  
正邦國之位一命受職再命受服三命受位四命受器五  
命賜則六命賜官七命賜國八命作牧九命作伯鄭云一  
命始見命為正吏受職治職事也列國之士一命王之下  
士亦一命再命受服受玄冕之服列國之大夫再命王之  
中士亦再命然則再命已上始受衣服未賜之時在官之  
篋笥也甲冑干戈俱是軍器上言不可輕用兵此言不可  
妄委人雖文重而意異也王惟戒茲允茲克明乃罔不休  
言王戒慎此四

惟之事信能明

惟治亂在庶官

言所官得人則亂

官

不及私昵惟其能

不加私昵惟能是

爵罔及惡德

惟其賢

言非賢

疏

官不至其賢

正義曰王制云論

官之使之試守也爵之命之也然則治其事謂之官受其  
位謂之爵官爵一也所從言之異耳賢謂德行能謂才用  
治事必用能故官云惟其能受位宜得賢故爵云惟其賢  
詩序云任賢使能周禮鄉大夫三年則大比考其德行道  
藝而興賢者能者鄭云賢者有德行者能者有道藝者是  
賢能為異耳私昵謂知其不可而用之惡德謂不知其非  
而任之戒王使審求人絕私好也

慮善以動動惟厥時

非善非時不可動

有其善喪厥善矜其能喪厥功

雖天子亦必讓以得之○喪息

浪

疏

有其至厥功正義曰人生尚謙謙而增自取自

能則人不以為能故實能而喪其能由其自取故人不與  
之有其善則伐善也舜美禹云汝惟不矜天下莫汝爭能  
汝惟不伐天下莫與汝爭功是惟事事乃其有備  
言推而不有故名反歸之也



有備無患

事事非一事

無啓寵納侮

則納侮非其人

疏

無啓寵納侮

正義曰君子位高益恭小人得寵則慢若寵小人則必恃寵慢主無得開小人以寵自納此輕侮也

開謂君出恩以寵臣納謂臣入慢以

輕王據君而言開納以出入爲文也

無耻過作非

誤而文之

疏

傳耻過至大非云改過不吝明小人有過皆惜而不改論

正義曰仲虺之美成湯

遂成大非

語云小人之過也必文耻有過誤而更以言辭文飾之望人不覺其非彌甚故遂成大非也

惟敬攸

居政事惟醇

其所居行皆如所言則王之政醇粹○醇音純粹雖遂反

黷于

祭祀時謂弗欲禮煩則亂事神則難

祭不欲數數則黷黷

則不敬事神禮煩則亂而難行高宗之祀特豐數近廟故說因以戒之○黷徒木反數色角反

疏

傳祭

戒之正義曰祭不欲數數則黷黷則不敬禮記祭義文也此一經皆言祭祀之事禮煩亦謂祭祀之煩故傳摠云

說命中

事神禮煩則亂而難行孔以高宗彤日祖己訓諸王祀無豐于昵謂傳說此言爲彼事而發故云高宗之祀特豐數於近廟故說

王曰日哉說乃言惟服

言美也美其所言皆可服

乃不良于言予罔聞于行

汝若不善於所言則我無聞於所行之事

說拜稽首曰非知之艱行之惟艱

言知之易行之難以勉高

宗王忱不艱允協于先王成德

王心誠不以行之爲難則信合

於先王成德惟說不言有教各

王能行善而說不言則有其各罪

說命下第十四

商書孔氏傳

孔穎達疏

王曰來汝說曰小子舊學于甘盤

學先王之

賢臣有道德者○台音怡

疏

王曰至甘盤

正義曰舊學于甘盤謂周公仰陳殷之賢

臣云在武丁時則有若甘盤然則甘盤於高宗之時有大功也上篇高宗免喪不言即求傳說似得說時無賢臣矣蓋甘盤於小乙之世以為大臣小乙將崩受遺輔政高宗之初得有大功及高宗免喪甘盤已死故君奭傳曰高宗即位甘盤左之後有傳說是言傳說之前有甘盤也但下句言既乃遯于荒野是學訖乃遯非即位之初從甘盤學也

**既乃遯于荒野入宅于河**既學而中廢業遯居田野河洲也其父欲使高宗知民之艱苦故使居民間○**疏**傳既學至民間正義曰河于何知在何之洲也釋水云水中可居者曰洲初遯田野後入河洲言其徙居無常也無逸云其在高宗時舊勞於外爰暨小人言其父欲使高宗知民之艱苦故使居民間也於時蓋未為太子殷道雖質不可既為太子更得與民雜居

**自河徂亳暨厥終罔顯**自河往居亳與今其終故遂無顯明之德

**爾**

**惟訓于朕志**言汝當教訓於我使我志通達

**若作酒醴爾惟麴**

說命下

**藥**

酒醴須麴藥以成亦言我須汝以成○**麴**起六反**藥**魚列反

**若作和羹爾惟**

**鹽梅**

鹽鹹梅醋羹須鹹醋以和之○**羹**音庚一音衡**鹽**余廉反**梅**亦作楸醋七故反和如字又胡卧反

**爾父修子罔子棄子惟克邁乃訓**交非一之義邁行也

言我能

**疏**

傳交非至汝教更脩治已也故以交為非一之義言父互教

之非一事之義

邁行釋言文

**說曰王人求多聞時惟建事學**

**于古訓乃有獲**王者求多聞以立事學於古訓乃有所得

**以克永世匪說攸聞**事不法古訓而以能長

**世非說所聞言無是道**

**惟學**

**遜志務時敏厥修乃來**學以順志務是敏

**疾其德之修乃來**

**疏**惟學

**至乃來**正義曰人志本欲求善欲學順人本志學能務

**是敏疾則其德之脩乃自來言務之既疾則德自來歸已**



也允懷于茲道積于厥躬信懷此學志則道積於其身惟敦

學半念終始典于學厥德修罔覺敦教也教然後知所困是

學之半終始常念學則其德疏惟敦至罔覺正義曰教人然後知困知困必

將自強惟教人乃是學之半言其功半於學也於學之法

念終念始常在於學則其德之脩漸漸進益無能自覺其

進言曰有所益也監于先王成憲其永無愆愆過也

先王成法其長無過其惟學乎惟敦式克欽承旁招俊乂

列于庶位言王能志學說亦用能敬承王志廣王曰

嗚呼說四海之內咸仰朕德時乃風風教也使天下

皆仰我德是汝教股肱惟人良臣惟聖手足具乃成人

說命下

有良臣乃成聖昔先正保衡作我先王保衡伊尹也作起

之臣長丁疏傳保衡至之臣正義曰保衡阿衡俱

丈反下同伊尹也君奭傳曰伊尹為保衡言天下

所取安所取平也鄭箋云阿倚衡平也伊尹湯所依倚而

取平也故以為官名又云太甲時曰保衡鄭不見古文太

甲云不惠于阿衡故此為解孔所不用計此阿衡保衡非

常人之官名蓋當時特以此名號伊尹也作訓為起言起

而助湯也正長釋詁文乃曰予弗克俾厥后惟堯舜其心

愧恥若撻于市言伊尹不能使其君如堯舜則恥之

一夫不獲則曰時予之辜伊尹見一夫不得佑

我烈祖格于皇天言以此道左右成湯爾尚明保

予罔俾阿衡專美有商汝庶幾明安我事則與惟

后非賢不义惟賢非后不食

言君須賢治賢須君食

其爾

克紹乃辟于先王永綏民

能繼汝君於先王長安民則汝亦有保衡之功

談拜稽首曰敢對揚天子之休命

對答也答受美命而稱揚之

高宗彤日第十五

商書孔氏傳

孔穎達疏

高宗祭成湯有飛雉升鼎耳而雉

耳不聰之異雉鳴○雉工

反祖已訓諸王

賢臣也以訓道諫王○已音紀

疏

高宗至之訓正義曰高宗祭其太

祖成湯於彤祭之日有飛雉來升祭之鼎耳而雉鳴其臣

祖己以為王有失德而致此祥遂以道義訓王勸王改脩

德政史敘其事作高宗彤日高宗之訓二篇傳耳不至

高宗彤日

序言祭成湯升鼎耳以足之禘祫與四時之祭祭之明日

皆為彤祭不知此彤是何祭之彤也洪範五事有貌言視

聽思若貌不恭言不從視不明聽不聰思不睿各有妖異

與焉雉乃野鳥不應入室今乃入宗廟之內升鼎耳而鳴

孔以雉鳴在鼎耳故以為耳不聰之異也洪範五行傳云

視之不明時則有羽蟲之孽聽之不聰時則有介蟲之孽

言之不從時則有毛蟲之孽貌之不恭時則有鱗蟲之孽

思之不睿時則有倮蟲之孽先儒多以此為羽蟲之孽非

為耳不聰也漢書五行志劉歆以為鼎三足三公象也而

以耳行野鳥居鼎耳是小人將居公位敗宗廟之祀也鄭

云鼎三公象也又用耳行雉升鼎耳而鳴象視不明天意

若云當任三公之謀以為政劉鄭雖小異其為羽蟲之孽

則同與孔意異詩云雉之朝雉尚求其雌說文云雉雄雉

鳴也雷始動雉乃鳴而雉其頸○傳所以訓也云正義

曰名高宗之訓所以訓高宗也此二篇俱是祖己之言並

是訓王之事經云乃訓于王此篇亦是訓也但所訓事異

分為二篇標此為發言之端故以彤日為名下篇摠諫王

之事故故名之訓終始互相明也肆命祖后孔歷其名於伊

訓之下別為之傳此高宗之訓因序為傳不重出

名者此以訓王事同因解文便作傳不為例也

高宗



彤日

祭之明日又祭殷曰彤周曰繹○繹音亦字書作

疏

傳祭之至曰繹正義曰釋天云繹又祭也周曰繹

絕之意春秋宣八年六月辛巳有事於太廟壬午猶繹穀梁傳曰繹者祭之旦日之享賓也是彤者祭之明日又祭也爾雅因繹祭而本之上世故先周後商此以上代先後故與爾雅倒也釋文又云夏曰復胙郭璞云未見所出或無此一句孔傳不言夏曰復胙於義非所須或本無此事也儀禮有司徹上大夫曰饋尸與正祭同日鄭康成注詩鳧鷖云祭天地社稷山川五祀皆有繹祭

高宗彤日越有雉雉

於彤日有雉異

已曰惟先格王正厥事

言至道之王遭變異

疏高宗

至厥事正義曰高宗既祭成湯彤祭之日於是有雉鳴之雉在於鼎耳此乃怪異之事賢臣祖己見其事而私自言曰惟先王至道之王遭遇變異則正其事而異自消也既作此言乃進言訓王史錄其事以為訓王之端也傳

高宗彤日

言至至自消

正義曰格訓至也至道之王謂用心至極行合於道遭遇變異改脩德教正其事而異自消大戊拱

木武丁雉雉皆感變而懼躬道復興是異自消之驗也至道之王當無災異而云遭變消災者天或有譴告使之至道未必為道不至而致此異且此勸戒之辭不可執文以害意也此經直云祖己曰不知與誰語鄭云謂其黨王肅云言于王下句始言乃訓于王此句乃訓于王曰惟未是告王之辭私言告人鄭說是也

天監下民典厥義

祖己既言遂以道訓諫王

降年

有求有不求非天大民民中絕命

言天之下年與民有義者

長無義者不長非天欲天民民自不修義以致絕命○中丁仲反又如字

民不若德不聽

罪天既孚命正厥德

不順德言無義不服罪不改修天已信命正其德謂有求

有不

疏

乃訓至厥德正義曰祖己既私言其事乃以道訓諫於王曰惟天視此下民常用其義言以

義視下觀其為義以否其下年與民有長者有不長者言與為義者長不義者短短命者非是天欲夭民民自不脩義使中道絕其性命但人有為行不順德義有過不服聽罪過而不改乃致天罰非天欲夭之也天既信行賞罰之命正其馭民之德欲使有義者長不義者短王安得不行義事求長命也 傳言天至絕命 正義曰經惟言有求有不求安知由義者以上句云惟天監下民典厥義天既以義為常知命之長短莫不由義故云天之下年與民有義者長無義者不長也民有五常之性謂仁義禮智信也此獨以義為言者五常指躰則別理亦相通義者宜也得其事宜五常之名皆以適宜為用故稱義可以揔之也民有貴賤貧富愚智好醜不同多矣獨以夭壽為言者鄭玄云年命者蠢愚之人尤惛焉故引以諫王也惛貪也洪範五福以壽為首六極以短折為先是年壽者最是人之所貪故祖己引此以諫王也 傳不順至不求 正義曰傳亦顧上經故不順德言無義也聽謂聽從故以不聽為不服罪言既為罪過而不肯改修也天已信命正其德言天自信命賞有義罰無義此事必信也天自正其德福善禍

高宗彤日

淫其德必不差也謂民有求有不求天隨其善惡而報之勸王改過修德以求求也

乃曰其如

台

祖己恐王未受其言故乃復曰天道其如我所言○台音怡復扶又反

嗚呼王司

敬民罔非天胤典祀無豐于昵

胤嗣昵近也歎以惑王入其言

王者王民當敬民事民事無非天所嗣常也祭祀有常不當持豐於近廟欲王因異服罪改修之○豐芳弓反昵女

乙反尸子云不避遠昵昵近也又

疏

嗚呼至于昵正義曰祖己恐其言

不入王意又歎而戒之嗚呼王者主民當謹敬民事民事無非天所繼嗣以為常道者也天以其事為常王當繼天

行之祀禮亦有常無得豐厚於近廟若特豐於近廟是失於常道高宗豐於近廟欲王服罪改修也 傳胤嗣至改

修之 正義曰釋詁云胤嗣繼也俱訓為繼是胤德為嗣嗣亦繼之義也釋詁云即尼也孫炎曰即猶今也尼音近

也郭璞引尸子曰悅居而來遠是尼為近也尼與昵音義同烝民不能自治立君以主之是王者主民也既與民為



主當敬慎民事民事無大小無非天所嗣常也言天意欲令繼嗣行之所以為常道也祭祀有常謂犧牲粢盛尊彝俎豆之數禮有常法不當特豐於近廟謂犧牲禮物多也祖已知高豐於近廟欲王因此雖雉之異服罪改脩以從禮耳其異不必由豐近而致之也王肅亦云高宗豐於櫛故有雉雉升遠祖成湯廟鼎之異

# 西伯戡黎第十六 商書孔氏傳孔穎達疏

**殷始咎周** 咎惡○咎其九反馬云咎周者為周所咎 **周人乘黎** 乘勝也所以見

惡○黎力兮反國 **祖伊恐** 祖已後 **奔告于受** 受紂也音名尚書大傳作者 **相亂帝乙之子嗣立暴虐無道** 受如字傳云受紂也音相亂馬云受讀曰紂或曰受婦人之言故號曰受也 **作**

**西伯戡黎** 戡亦勝也○伯亦作栢戡音堪說文作伐云殺也以此戡訓刺音竹其反勝詩證反

**疏** 殷始至戡黎 正義曰文王功業稍高王兆漸著殷之朝廷之臣始畏惡周家所以畏惡之者以周人伐

西伯戡黎

而勝黎邑故也殷臣祖伊見周克黎國之易恐其終必伐殷奔走告受言殷將滅史敘其事作西伯戡黎 傳各惡又云乘勝至見惡 正義曰易繫辭云無咎者善補過也則咎是過之別名以彼過而憎惡之故咎為惡也以其勝黎所以見惡釋其見惡之由是周人勝黎之後始惡之詩毛傳云乘陵也乘駕是加陵之意故乘為勝也鄭玄云紂聞文王斷虞芮之訟又三代皆勝而始畏惡之所言據書傳為說伏生書傳云文王受命一年斷虞芮之質二年伐邾三年伐密須四年伐犬夷五年伐耆六年伐崇七年而崩耆即黎也乘黎之前始言惡周故鄭以伐邾伐密須伐犬夷三伐皆勝始畏惡之武成篇文王誕膺天命九年乃崩則伐國之年不得如書傳所說未必見三伐皆勝始畏之傳祖已後賢臣 正義曰此無所出正以同為祖氏知是其後明能先覺故知賢臣 傳受紂至無道 正義曰經云奔告于王王無謚號故序言受以明之此及泰誓武成皆呼此君為受自外書傳皆呼為紂受即紂也音相亂故字改易耳殷本紀云帝乙崩子辛立是為帝辛天下謂之紂鄭玄云紂帝乙之少子名辛帝乙愛而欲立焉號曰

受德時人傳聲轉作紂也史掌書知其本故曰受與孔大  
同謚法云殘義損善曰紂殷時未有謚法後人見其惡為  
作惡義耳 傳戲亦勝也 正義曰  
戲勝釋詁文孫炎曰戲強之勝也

**既戲黎** 近王圻之諸侯在上黨東北  
○近附近之近圻巨依反 **疏** 西伯戲黎  
正義曰鄭玄

云西伯周文王也時國於岐封為雍州伯也國在西故曰  
西伯王肅云王者中分天下為二公摠治之謂之二伯得  
專行征伐文王為西伯黎侯無道文王伐而勝之兩說不  
同孔無明解下傳云文王率諸侯以事紂非獨率一州之  
諸侯也論語稱三分天下有其二以服事殷謂文王也終  
乃三分有二豈獨一州牧乎且言西伯對東為名不得以  
國在西而稱西伯也蓋同王肅之說 傳近王至東北  
正義曰黎國漢之上黨郡壺關所治黎亭是也紂都朝歌  
王圻千里黎在朝歌之西故為近王圻之諸侯也鄭云入  
紂圻內文王猶尚事紂不可伐其圻內所言圻內亦無文  
也 **祖伊恐奔告于王曰天子天既訖我殷命**

西伐戲黎

文王率諸侯以事紂內秉王心紂不能制今又克有黎國  
迫近王圻故知天已畢訖殷之王命言化為周○(王心)于  
况反下注 **疏** 傳文主至為周 正義曰襄四年左傳云  
宜王者同 **疏** 文王率殷之叛國以事紂是率諸侯共事  
紂也貌雖事紂內秉王心布德行威有將王之意而紂不  
能制日益強大今復克有黎國迫近王圻似有天助之力  
故云天已畢訖殷之王命言殷 **格人元龜罔敢知**  
祚至此而畢將欲化為周也

**吉** 至人以人事觀殷大龜 **疏** 傳至人至知吉 正義  
以神靈考之皆無知吉 **疏** 曰格訓為至至人謂至  
道之人有所識解者也至人以人事觀殷大龜有神靈逆  
知來物故大龜以神靈考之二者皆無知殷有吉者言必  
凶也祖伊未必問至人親 **非先王不相我後人惟**  
灼龜但假之以為言耳

**王淫戲用自絕** 非先祖不助子孫以王淫過戲 **故**  
天棄我不有康食不虞天性不迪率典 **疏** 以紂自  
絕於先王○(相)息亮反



王故天亦棄之宗廟不有安食於天下而王不度知天性命所在而所行不蹈循常法言多罪。度待洛反**疏**  
傳以紂至多罪。正義曰禮記稱萬物本於天人本於祖  
則天與先王俱是人君之本紂既自絕於先王亦自絕於  
天上經言紂自絕先王此言天棄紂互明紂自絕然後天  
與先王棄絕之故傳申通其意以紂自絕先王故天亦棄  
之亦者亦先王言先王與天俱棄之也孝經言天子得萬  
國歡心以事其先王然後祭則鬼享之今紂既自絕於先  
王先王不有安食於天下言紂雖以天子之尊事宗廟宗  
廟之神不得安食也而王不度知天命所在不知己之性  
命當盡也而所行不蹈循常法動皆違法言多罪  
**今我民罔弗欲喪曰天**  
**曷不降威大命不摯今王其如台**  
之云言天何不下罪誅之有大命宜王者何**疏**  
以不至王之凶害其如我所言。摯音至  
言正義曰摯至同音故摯為至也言天何不下罪誅之  
恨其久行虐政欲其早殺之也有大命宜王者何以不至

高宗彤日

向望大聖之君欲令早伐紂也王之凶禍  
其如我之所言以王不信故審告之也  
**王曰嗚呼**  
**我生不有命在天**  
言我生有壽命在天民之辭**祖伊**  
**反曰嗚呼乃罪多參在上乃能責命于天**  
紂也言汝罪惡衆多參列於上天天誅罰汝汝能責  
命于天拒天誅乎。參七南反馬云參字累在上**殷**  
**之即喪指乃功不無戮于爾邦**  
言殷之就亡指汝功事所致汝  
不得無死戮於殷國  
必將滅亡立可待

**微子第十七 商書 孔氏傳 孔穎達疏**

**殷既錯天命**  
錯亂也。錯七**微子作誥父師少**

**師**  
告二師而去紂**疏**  
正義曰殷紂既

詩照反

暴虐無道錯亂天命其兄微子

知紂必亡以作言誥告父師箕子少師比干史敘其事而作此篇也名曰微子而不言微子者已言微子作誥以可知而省文也。傳錯亂也。正義曰交錯是渾亂之義故為亂也不拍言紂惡而言錯亂天命者天生烝民立君以牧之為君而無君道是錯亂天命。微子微子子爵為紂卿士去疏傳微圻至無道正義曰微國在圻內先儒相無道傳為然鄭玄以為微與箕俱在圻內孔雖不言箕亦當在圻內也王肅云微國名子爵入為王卿士肅意蓋以微為圻外故言入也微子名啓世家作開避漢景帝諱也啓與其弟仲衍皆是紂之同母庶兄史記稱微仲衍衍亦稱微者微子封微以微為氏故弟亦稱微猶如春秋之世虞公之弟稱虞叔祭公之弟稱祭叔微子若非大臣則無假憂紂亦不必須去以此知其為卿士也傳云去無道者以去見微子若曰父師少師父師太師三公其為卿士也箕子也少師孤卿比干微子以紂距諫知其必亡順其事而言之殷其弗或亂正四方或有言

殷其不有治正四方之我祖底遂陳于上言湯致遂其功陳列於上我用沈酗于酒用亂敗厥德于下沈酗醜也我罔沈酗醜也不沈酗醜也大好草竊姦究草野竊盜又為姦究於外內○好呼報反也卿士師師非度凡有辜罪乃罔恒獲六卿與士相師效為非法度皆有辜罪無秉常得中者○變如字小民方興相為敵讎為敵讎言不同○羅市周反今殷其淪喪若涉大水其無津涯淪沒也言殷將沒亡如涉大水無涯際無所依就○淪音倫喪息亮反涯五佳反又殷遂喪越至乎今言遂喪亡於是至宜佳反於今到不待久疏



微子至于今 正義曰微子將欲去殷順其去事而言曰  
父師少師呼二師與之言也今殷國其將不復有治正四  
方之事言其必滅亡也昔我祖成湯致行其道遂其功業  
陳列於上世矣今我紂惟用沈湎醢營於酒用是亂敗其  
祖之德於下由紂亂敗之故今日殷人無不小大皆好草  
竊姦宄雖在朝卿士相師師為非法度之事朝廷之臣皆  
有辜罪乃無有一人能秉常得中者在外小人方方各起  
相與共為敵讎荒亂如此今殷其沒亡若涉大水其無津  
濟涯岸殷遂喪亡言不復久也此喪亡於是至於今到必  
不得更久也○傳父師至而言之 正義曰以畢命之篇  
王呼畢公為父師畢公時為太師也周官云太師太傅太  
保茲惟三公少師少傅少保曰三孤家語云比干官則少  
師少師是比干知太師是箕子也徧檢書傳不見箕子之  
名惟司馬彪注莊子云箕子名胥餘不知出何書也周官  
以少師為孤此傳言孤卿者孤亦卿也考工記曰外有九  
室九卿朝焉是三孤六卿共為九卿也比干不言封爵或  
本無爵或有而不言也家語云比干是紂之親則諸父知  
比干是紂之諸父耳箕子則無文宋世家云箕子者紂親

戚也止言親戚不知為父為兄也鄭玄王肅皆以箕子為  
紂之諸父服虔杜預以為紂之庶兄既無正文各以意言  
之耳微子以紂距諫知其必亡心欲去之故順其去事而  
言呼二師以告之○傳或有至必亡 正義曰或者不定  
之辭其事欲當然則是有此事故以或為有也鄭玄論語  
注亦云或之言有也不有言無也天子天下之主所以治  
正四方言殷其不有治正四方之事言將必亡○傳我紂  
至後世 正義曰嗜酒亂德是紂之行故知我我紂也人  
以酒亂若沈於水故以耽酒為沈也惛然是齊同之意詩  
云天不泯爾以酒鄭云天不同汝顏色以酒是惛謂酒變  
面色面然齊同無復平時之容也說文云醢營也然則醢  
營一物謂飲酒醉而發怒經言亂敗在德必有所屬上言  
我祖指謂成湯知言敗亂湯德於後世也上謂前世故下  
為後世也○傳六卿至中者 正義曰士訓事也故卿士  
為六卿典事師師言相師效為非法度之事也止言卿士  
以貴者尚爾見賤者皆然故王肅云卿士以下轉相師效  
為非法度之事也鄭云凡酒皆也傳意亦然以凡為皆言  
卿士以下在朝之臣其所舉動皆有辜罪無人能秉常行

得中曰父師少師我其發出狂吾家老耄遜于荒  
正者我念殷亡發疾生狂在家老耄亂故欲遜出於荒野言愁悶  
○出尺遂反耄字又作旄莫報反注同○遜徒困反徐徒頓  
反一音都困反今爾無指告于顛隕若之何其汝無指意告我殷邦  
顛隕隕墜如之何其救之○○隕子細反疏曰父師至何其正義曰  
王篇子弓反切韻祖替反隕于敏反正義曰  
微子既言紂亂乃問身之所宜止而復言故別加一曰父  
師少師更呼而告之也我念殷亡之故其心發疾生狂吾  
在家心內耄亂欲遜遜出於荒野今汝父師少師無指滅  
亡之意告我云殷邦其隕墜則當如之何其救之乎恐其  
留已共救之也○傳我念至愁悶正義曰狂生於心而  
出於外故傳以出狂為生狂應璩詩云積念發狂癡此其  
事也在家思念之深精神益以耄亂鄭玄云耄昏亂也在  
家不堪耄亂故欲遜出於荒野言愁悶之至詩云駕言出  
遊以寫我憂亦此意也○傳汝無至救之正義曰無指  
意告我者謂無指殷亡之事告我言殷將隕墜欲留我救

微子

之顛謂從上而隕隕謂墜於溝壑皆滅亡之意也昭十三  
年左傳曰小人老而無子知擠於溝壑矣王肅云隕隕溝  
壑言此隕之義如左傳也父師若曰王子比干不見明心同省文微子帝乙元子故曰王  
子○○見賢遍天毒降災荒殷邦方興沈酗于酒  
反省所景反天生紂為亂是天毒下災四方化紂沈酗不可如何乃罔畏畏咈其耆長舊  
有位人言起沈酗上不畏天災下不畏賢人違戾耆老  
丁丈反注同今殷民乃攘竊神祇之犧牷牲用  
以矣將食無災自來而取曰攘色純曰犧體完曰牷  
牲用相容行食之無災罪之者言政亂○○攘如羊反因來  
而厥曰攘竊馬云盜曰竊神祇天曰神地曰祇○牷許宜反  
全音降監殷民用又饑斂召敵讎不怠下視殷民所用治者



皆重賦傷民歛聚怨讎之道而又亟行暴虐自召敵讎不  
解怠○解如字下同徐云鄭音疇馬本作稠云數也歛力  
儉反馬鄭力豔反謂賦歛也徐云鄭力劒反治直吏反○  
欺忌反數也又紀力反本又作極如字至也解佳賣反

罪合于一多瘠罔詔

言殷民上下有罪皆合於一法  
紂故使民多瘠病而無詔救之

者○瘠在益反

商今其有災我興受其敗

災滅在近我起  
受其敗言宗室

大臣義不忍去

商其淪喪我罔為臣僕詔王子出迪

商其沒亡我二人無所為臣僕欲以死  
諫紂我教王子出合於道○一本無臣字

我舊云刻子

王子弗出我乃顛隤

刻病也我久知子賢言於帝  
乙欲立子帝乙不肯病子不

得立則宜為殷後者子今若不出逃難我殷家宗廟乃隤  
墜無主○舊云馬云言也刻音克馬云侵刻難乃旦反

自靖人自獻于先王

各自謀行其志人人自獻達于  
先王以不失道○靖馬本作靖

微子

謂紂也

我不顧行遯

言將與紂俱死所執各異皆歸於  
仁明君子之道出處語默非一途

○顧音故徐音鼓

疏

父師至行遯正義曰父師亦順其事而  
報微子曰王子今天酷毒下災生此昏虐

之君以荒亂殷之邦國紂既沈酒四方化之皆起而沈酒  
酌醬於酒不可如何小人皆自放恣乃無所畏上不畏天  
災下不畏賢人違戾其耆老之長與舊有爵位致仕之賢  
人今殷民乃攘竊祭祀神祇之犧牲牲用以相通容行取  
食之無災罪之者盜天地大祀之物用而不得罪言政亂  
甚也我又下視殷民所用為治者民皆讎怨歛聚之道也  
言重賦傷民民以上為讎重賦乃是歛讎也既為重賦  
又急行暴虐此所以益招民怨是乃自召敵讎不懈怠也  
上下各有罪合於一紂之身言紂化之使然也故使民多  
瘠病而無詔救之者商今其有滅亡之災我起而受其敗  
商其沒亡喪滅我無所為人臣僕言不可別事他人必欲  
諫取死也我教王子出奔於外是道也我久云子賢言於  
紂乙欲立子不肯我乃病傷子不得立為王則宜終為殷  
後若王子不出則我殷家宗廟乃隤墜無主既勸之出即

與之別云各自謀行其志人人各自獻達於先王我不顧  
念行遜之事明期與紂俱死○傳比干至王子正義曰  
諮二人而人荅明心同省文也鄭云少師不荅志在必死  
然則箕子本意豈必求生乎身若求生何以不去既不顧  
行遜明期於必死但紂自不殺之耳若比干意異箕子則  
別有荅安得默而不言孔解心同是也微子帝乙元子微  
子之命有其文也父師呼微子為王子則父師非王子矣  
鄭王等以為紂之諸父當是實也○傳天生至如何正  
義曰荒殷邦者乃是紂也而云天毒降災故言天生紂為  
亂本之於天天毒下災也以微子云若之何此荅彼意故  
言四方化紂沈湎不可如何○傳言起至紂故正義曰  
文在方興沈湎之下則此無所畏畏者謂當時四方之民  
也民所當畏惟畏天與人耳故知二畏者上不畏天下不  
畏賢人違戾者長與舊有位人即是不畏賢人故不用其  
教紂無所畏此民無所畏謂法紂故也○傳自來至政亂  
正義曰攘竊同文則攘是竊類釋詁云攘因也是因其  
自來而取之名攘也說文云犧宗廟牲也曲禮云天子以  
犧牛天子祭牲必用純色故知色純曰犧也周禮牧人掌

微子

牧六牲以供祭祀之牲牲以牲為言必是躰全具也故躰  
完曰牲經傳多言三牲知牲是牛羊豕也以犧牲牲三者  
既為俎實則用者簠簋之實謂黍稷稻粱故云器實曰用  
謂粢盛也禮天曰神地曰祗舉天地則人鬼在其間矣故  
摠云盜天地宗廟牲用也訓將為行相容行食之謂所司  
相通容使盜者得行盜而食之大祭祀之物物之重者盜  
而無罪言政亂甚也漢魏以來著律皆云敢盜郊祀宗廟  
之物無多少皆死為特重故也○傳下視至解怠正義  
曰箕子身為三公下觀世俗故云下視殷民所用治者謂  
卿士已下是治民之官也以紂暴虐務稱上旨皆重賦傷  
民民既傷矣則以上為讎泰誓所謂虐我則讎是也重斂  
民財乃是聚斂怨讎之道既為重斂而又亟行暴虐亟急  
也急行暴虐欲以威民乃是自召敵讎勤行虐政是不懈  
怠也○傳商其至於道正義曰有災與淪喪一事而重  
出文者上言商今其有災我與受其敗逆言災雖未至至  
則已必受禍此言商其淪喪我罔為臣僕豫言殷滅之後  
言已不事異姓辭有二意故重出其文我無所為臣僕言  
不能與人為臣僕必欲以死諫紂但箕子之諫值紂怒不



甚故得不死耳我教王子出合於道保全身命終爲殷後使  
宗廟有主享祀不絕是合其道也○傳刻病至無主正  
義曰刻者傷害之義故爲病也呂氏春秋仲冬紀云紂之  
母生微子與仲衍其時猶尚爲妾改而爲妻後生紂紂  
之父欲立微子啓爲太子太史據法而爭曰有妻之子不  
可立妾之子故立紂爲後於時箕子蓋謂請立啓而帝乙  
不聽今追恨其事我久知子賢言於帝乙欲立子爲太子  
而帝乙不肯我病子不得立則宜爲殷後○傳言將至一  
途正義曰不肯遜以求生言將與紂俱死也或去或留  
所執各異皆歸於仁孔子稱殷有三仁焉是皆歸於仁也  
易繫辭曰君子之道或出或處或默或語是非一途也何  
晏云仁者愛人三人行異而同稱仁者以其俱在憂亂寧  
民

## 附釋文尚書註疏卷第十